

REHEFA NAHIRATRA NY

MASON'IZY IREO, DIA

NAHAFANTATRA AZY IZY IREO

 Ndao isika hanondrika ny lohantsika vetivety ho an'ny vavaka. Raha mandeha moramora amin'ny alàlan'ireto fanamafisam-peo ireto izany feon-kira izany hoe, *Minoa Fotsiny*, dia manontany aho raha manana fangatahana isika, izao hariva izao, izay tantsika ampafantarina an'Andriamanitra. Ary miaraka amin'ny tànantsika mitsangana, no ampanantenantsika fa hino isika raha manangana ny tànantsika. Ny Tompo hitahy.

² Rainay any An-danitra, manatona Anao izahay, amin'ny Anaran'ny Tompo Jesosy, satria Ianao noefa nampantanena, fa raha nanao an'izao izahay, dia hihaino anay Ianao. Ary mivavaka izahay mba Handraisanao an'izay ilainay, ao amin'ny Fahalalanao, Tompo, ka hamaly soa anay araka ny finoanay. Fantatray fa handray Ianao, satria Ianao no nampantanena. Misy maro ireo fangatahana. Maro ireo tànana mitsangana; ny ahy, ihany koa, Tompo. Mivavaka aho mba Hihaonanao aminay fotsiny, izao hariva izao, ka haneho aminay ny fomba tokony hiainanay sy izay tokony hataonay mba hananana finoana Anao. Raiso ny voninahitra avy amin'ny favoriana, Tompo, raha mametraka ny tenanay Aminao izahay, amin'ny Anaran'i Jesosy. Amena.

Afaka mipetraka ianareo.

³ Don, manao ahoana ianao? Tena gaga tokoa aho, izao hariva izao, mahita ny maro amin'ireo sakaizako mipetraka eto amin'ny lampihazo miaraka amiko. Rahalahy Lee Vayle no anankiray amin'ireo mpikarakara. Rahalahy... Eny àry, tsy afaka miantsosy an'ilay anarana Alemandy aho, Hierholzer. Manao an'ilay izy mivadika foana aho. Rahalahy Don Ruddell sy ireo rahalahy rehetra eto, ny olona rehetra, efa fantattro tsara izy rehetra, noho izany dia faly tokoa aho manana azy ireo eto izao hariva izao mba—mba hivavaka miaraka amintsika raha mitory ny Teny isika, mivavaka ho an'ny marary.

⁴ Ankehitriny, heveriko, rahampitso hariva, ary avy eo ny Alahady tolakandro, dia hiverina any, avy eo ny Sabotsy hariva dia tokony ho any an-kafa any ho any. Efa nivavaka ve ianareo androany? [Hoy ny fiangonana hoe, "Amena."—Mpand.] Mahafinaritra.

⁵ Miala tsiny aho nihazona anareo tara, omaly hariva. Fa toerana vaovao iray ilay izy, ny zavatra rehetra vaovao, ary fantatrareo fa mila fotoana kely fotsiny izany mba hifankahazarana. Araka ny nolazaiko fahiny, mamele an'ilay fiteny hoe, "Esory hiala ny fihafahafana rehetra, eo amin'izay hifankahafantarantsika, mba isika...ny fihetseham-po hafahafa rehetra."

⁶ Indraindray isika dia mivory ao amin'ireo toerana. Oh, tsy hoe tsy miraharaha an'ity efitra malalaka ity, fa, hitanareo, tsy fotoana ara-pivavahana foana ilay izy, heveriko, no atao eto. Ilay izy dia ireo karazana fotoana rehetra. Ary eo, na mety ho tena mahatsikaiky aza ilay izy, saingy misy fanahin'ny zavatra rehetra ao. Raha tsy manana fanahy ianareo ao anatinareo, dia maty ianareo. Ary olona miaraka amin'ny fanahy samihafa no miangona miaraka.

⁷ Tsy afaka nanasitrana teo anivon'ny vahoaka be tahaka an'izany Jesosy. Tonga tao amin'ny Fireneny manokana Izzy, nefy tsy nino Azy izy ireo, ka tsy afaka nanao asa mahery tao Izzy. Indray andro Izzy dia tsy maintsy nitarika ny—ny lehilahy iray izay jamba, nivoaka lavitra ny tanàna, alohan'ny Nahafahamny nanao azy mba—mba hahita, ka nahazo ny azy. Ary ny iray niaraka tamin'ny fandrenesany.

⁸ Hitanareo, indraindray ianareo dia tsy maintsy tonga miaraka eo amin'izay ivorian'ireo mpino miaraka ary mino. Fa ity toerana ity dia voatokana ankehitriny ho an'ny asan'ny Tompo Jesosy Kristy. Ary fiangonana iray ankehitriny, amin'ny maha-tena fiangonana izay...Na aiza na aiza ireo olona no—no mivory miaraka, dia izany no fiangonana. Noho izany ankehitriny, izao hariva izao, isika dia tena, tena vahoaka manana tombontsoa tokoa, mahatsapa izahay, ny tonga eto izao hariva izao, ny mivory miaraka aminareo rehetra, mba—mba hivavaka sy hahalala an'i Jesosy Kristy eo anivontsika.

⁹ Ankehitriny, fantatrareo, ireo Presbyterana dia manana betsaka amin'ny...na ireo Episkopaliana, mino aho fa izay ilay izy, ambony-sy-ambany, ambony-sy-ambany; mitsangana dia milaza zavatra iray, dia mipetraka; mitsangana dia milaza zavatra iray, dia mipetraka. Ary hangataka aminareo aho mba hitsangana indray raha mamaky ny Teny aho.

¹⁰ Ao amin'ny Lioka, ny toko faha-24, raha hihaino tsara ianareo ankehitriny. Soratra tena lava ilay izy. Maniry aho ny hanomboka amin'ny andininy faha-13-n'ny Lioka 24.

Ary, indreo, ny roa tamin'ireny nandeha tamin'izany andro izany ihany nankany amin'ny vohitra iray antsoina hoe Emaosy, izay eo amin'ny enimpolo stadio avy ao Jerosalema.

Ary niara-niresaka izy ireo ny amin'ireo zavatra rehetra izay nitranga.

Ary izao no niseho, fa, raha mbola nifampiresaka izy ireo ni- . . . niara-nifampiresaka sy nisaintsaina, dia nampanatona ny tenany akaiky Jesosy, ka nandeha niaraka tamin'izy ireo.

Nefa nohazonina ny mason'izy ireo mba tsy hahafantarany azy.

Ary hoy izy tamin'izy ireo, Karazana resaka inona izany ifampiresahanareo izany, raha mandeha ianareo, ary malahelo?

Ary ny iray tamin'izy ireo, izay ny anarany dia Kleopasy, dia namaly ka nilaza taminy hoe, Ianao irery ve no vahiny any Jerosalema, ka tsy mahafantatra an'ireo zavatra izay miseho . . . amin'izao andro izao?

Dia hoy izy tamin'izy ireo hoe, Zavatra inona? Ary hoy izy ireo taminy hoe, Mikasika an'i Jesosy avy any Nazareta, izay mpaminany mahery iray tamin'ny asa sy ny teny teo anatrehan'Andriamanitra sy ny vahoaka rehetra:

Ary ahoana fa ireo lohan'ny mpisorona sy ireo mpanapaka no nanolotra azy mba hohelohina ho faty, ary nanohombo azy.

Nefa nahatoky izahay fa izy no ilay efa hanavotra ny Isirael: ary ankoatran'izany rehetra izany, dia androany no andro fahatelo hatramin'ny nahavitana an'ireo zavatra ireo.

Eny, . . . ireo vehivavy sasany avy amin'ireo namanay ihany koa dia nanao anay ho talanjona, izay tany amin'ny fasana vao maraina;

Ary rehefa tsy nahita ny vatany izy ireo, dia tonga izy ireo, nilaza, fa izy ireo koa dia nahita fahitana ny amin'ireo anjely, izay nilaza . . . fa velona izy.

Ary ny sasany tamin'izy ireo izay niaraka taminay teo amin'ny fasana, dia nahita an'izany mihitsy aza . . . arak'izay nolazain'ireo vehivavy ireo: nefo tsy hitan'izy ireo izy.

Dia hoy izy tamin'izy ireo, O ry adala, sy votsa fo mba hino an'izay rehetra notenenin'ny soratra:

Tsy tokony hiaritra an'ireo zavatra ireo ve Kristy, ka hiditra ao amin'ny vonimahiny?

Ary nanomboka tamin'i Mosesy sy ny mpaminany rehetra, dia nambarany tamin'izy ireo . . . ny rehetra—ny soratra rehetra ny amin'ireo zavatra mikasika ny tenany.

Ary nanakaiky ny vohitra izy ireo, izay nandehanan'izy ireo: ary dia nanao toy ny hoe handeha lavidavitra kokoa izy.

Fa izy ireo dia nanery azy, nanao hoe, Mitoera miaraka aminay: fa efa ho hariva izao, ary lasan-davitra ny andro. Dia niditra izy mba hijanona hiaraka amin'izy ireo.

Ary izao no niseho, raha niara-nipetraka nihinana niaraka tamin'izy ireo izy, dia noraisiny ny mofo, ary nisaotra azy... ary nanolotra an'izany ho azy ireo.

Dia nahiratra ny mason'izy ireo, ka nahafantatra azy izy ireo; ary nanjavona teo amin'ny fijerin'izy ireo izy.

Dia nifampiresaka izy ireo hoe, Tsy nangorakoraka ve ny fontsika, raha niresaka tamintsika teny an-dàlana izy, ka nanokatra ho antsika ny soratra?

¹¹ Ndao isika hivavaka. Tompo Jesosy, fantatray tsara fa marina ity. Tsy misy na inona na inona eto amin'izao tontolo izao marina kokoa nohon'Ny Teninao. Tsy misy na inona na inona eto amin'izao tontolo izao lehibe nohon'Ny Teninao. Ary mivavaka izahay mba Hanambaranao an'ity tantara ity aminay, ao amponay izao hariva izao, ka hanao an'ity ampanhan'ny Soratra ity ho velona indray, izao hariva izao, mba hahafantaranay ny Tompo Jesosy tahaka ny nahafantaran'izy ireo. Saingy fotsiny ihany, izy ireo dia nahafantatra Azy ny—ny andro iray taorian'ny Fitsanganany, fa enga anie izahay ankehitriny hahafantatra Azy taorian'ny roa arivo taona. Mangataka amin'ny Anaran'i Jesosy izahay ary ho an'ny Vonitorahiny. Amena.

Mahazoa toerana.

¹² Misaotra ny amin'ilay mari-pamantaran'ny tongasoa ao amin'ny faran'ny efitra malalaky ny fiangonana.

¹³ Ny lohahevitra izao hariva izao dia: *Rehefa Nahiratra Ny Mason'Izy Ireo, Dia Nahafantatra Azy Izy Ireo.*

¹⁴ Ankehitriny ny sarintsika, izao hariva izao, dia ny Paska voalohany. Lasa ilay andro maizina lehiben'ny fanohomboana. Tonga teto amin'izao tontolo izao Jesosy Tomponsika ary nanondro ny Tenany mazava tsara ho ny Zanak'Andriamanitra. Ny Soratra rehetra, izay nikasika Azy, dia Notanterahany. Na dia ireo ora farany teo amin'ny hazo fijaliana aza dia tanteraka. Ankehitriny dia tonga ny fitsanganana, izay efa nampanantenaina ihany koa. Saingy ireo olona tamin'izany andro izany dia saiky mitovitovy amintsika, amin'izao andro izao. Izy ireo dia nanana, tao amin'ilay hafanam-po ny amin'izay efa hitan'izy ireo, an'ilay ivelan'ny voajanahary, sy ny sissa, izy ireo dia diso tamin'ny fahafantarana ny Soratra rehetra izay nikasika Azy. Ny sasany amin'Izany no fantatr'izy ireo, sy ninoany, fa ny sasany amin'Izany dia tsy fantatr'izy ireo.

¹⁵ Heveriko fa izany ilay manontolo mitovy amin'izao andro izao, hoe matetika isika dia hanaiky ny sasany amin'ireo zavatra izay nolazain'i Jesosy, fa tsy ireo zavatra rehetra izay Nolazainy. Ny olona indraindray dia lasa, manao hoe, "Eny, izahay dia mino an'Ity, fa izahay dia tsy mino an'Ity." Eny, tsy afaka hino an'Ity ianareo raha tsy mino an'Ity. Hitanareo, tsy maintsy mino Azy rehetra ianareo. Na Andriamanitra manontolo ilay izy, na tsy Andriamanitra mihitsy. Ary noho izany dia tsy maintsy mifanaraka mahitsy tsara izy rehetra, ao amin'ny toerany.

¹⁶ Ary araka ny nolazaiko omaly hariva, Andriamanitra dia nitsinjara an'izany, Ny Sorany, hatrany amin'ny voalohany, talohan'ny nisian'ny fotoana iray, fony Izy Mandrakizay. Izy rehetra . . . Izy no Anankiray Mandrakizay, ka noho izany ireo zavatra izay mitranga ankehitriny ireo dia toetran'ny fisainan'Andriamanitra fotsiny ihany. Voalohany, dia tsy maintsy ho fisainana iray ilay izy, ary avy eo Teny iray. Ary ny Teny iray, rehefa voaseho ny fisainana iray, dia teny iray. Ary avy eo, voalaza Izany, dia tsy maintsy mitranga Izany. Ary ilay zavatra manontolo dia Andriamanitra maneho ny Tenany ao amin'ireo Toetrary, ary avy eo dia Andriamanitra lasa materialy, azo tsapaina, mba ho azontsika hiresahana, hitenenana, ao amin'ny Vatan'Ny Fianganany manontolo sy ny sisa.

¹⁷ Noho izany, ny anaranareo dia efa tao amin'ny Fisainany. Toy izany no anananareo ny Fiainana Mandrakizay. Tsy afaka manana an'Izany amin'ny fomba hafa ianareo. Raha manana Fiainana Mandrakizay ianareo, dia efa nisy foana ianareo. Hitanareo? Ianareo, raha amin'ny fomba hafa, dia tsy afaka hilaza fotsiny ianareo hoe, "Eny, mikambana amin'ny fiangonana aho, manao an'ity aho." Tsia, tompokeo. Ny Fiainana Mandrakizay dia tsy nanana mihitsy fi- . . . Ny zavatra rehetra izay Mandrakizay dia tsy nanomboka mihitsy ary tsy afaka hifarana. Noho izany dia efa tao amin'ny Fisainany fotsiny ianareo, ny anaranareo, iza ianareo ary inona ianareo. Izay ihany no fomba ahafahanareo manana Fiainana Mandrakizay, satria efa nisy foana ianareo.

¹⁸ Ary ireo, tsy mampaninona na inona izy ireo na inona, dia maty Mandrakizay izy ireo, efa maty hatrany am-piandohana izy ireo. Hoy ny Baiboly hoe, "Ny vehivavy izay miaina amin'ny fahafinaretana dia maty fahavelona izy." Marina. Hitanareo, efa maty foana izy. Maty ao amin'ny fahotana sy ireo heloka izy.

¹⁹ Ary ankehitriny raha efa tao amin'ilay famelomana ianareo, tany amin'ny Fiandohany, dia tonga hanavotra an'izany Izy. Ary ny anaranareo dia efa natao tao amin'ny Bokin'ny Fiainan'ny Zanak'ondry, tao amin'ny Fisainany, tany amin'ny voalohany. Ary tonga Izy hanavotra an'ireo anarana rehetra izay tao amin'io Boky io; tsy nihoatra, tsy nisy iray nihoatra; izay Tao fotsiny.

Rehefa navotana ilay anarana farany, dia mandray Ny Bokiny Izy ka mitaky an'izay Navotany.

²⁰ Ankehitriny, ary inona no—zavatra hafahafa iray toy ny inona no mety hisy raha tsy afaka mino ny rehetra izay voasoratra ao amin'ny Soratra isika, satria ilay zavatra manontolo dia Tenin'Andriamanitra. Izany dia voatsindrimandry avokoa, ny tsirairay kely amin'Izany, ka mino ny tsirairay kely amin'Izany isika.

²¹ Ankehitriny ity fampisehoana be voninahitra izay ananantsika eo anoloantsika ity, izao hariva izao, dia Jesosy nitsangana tamin'ny maty, tamin'ny lohataona, nitsangatsangana. Nitsangana tamin'ny lohataona, ilay fitsanganana, ilay Voninkazo voalohany nitsangana tamin'ny maty, Jesosy Tompontsika! Izy no Vokatra Voalohany avy tamin'ireo izay nodimandry. Ilay Voninkazon'ny Paska izay naniry, ilay Anankiray voalohany izay nampitraka ny Lohany taorian'ilay misasakalina mangatsiaka an'ny aizina sy ny fahotana; Naloany ny vidin'ny fahotana, ary nanangana Azy tamin'ny andro fahatelo Andriamanitra. Mino an'izany amin'ny fontsika rehetra isika, hoe nanangana Azy tamin'ny andro fahatelo Andriamanitra, araka ny Fampantanantenany. Ary mino an'izany isika araka ny Soratra, hoe Izy no nanangana Azy, tamin'ny andro fahatelo. Izy no Anankiray voalohany izay nitsangana tamin'ny maty, ireo Vokatra Voalohany avy tamin'ireo izay nodimandry.

²² Ary ny mieritreritra an'izany, io fahoriana lehibe nandrity ny efatra arivo taona izay niraparapan'izao tontolo izao tao anatin'ny fahotana io, ka tsy nahafantatra ny lèlana ivoahana, dia indro Izy fa miverina avy ao amin'ny maty! Fotoana iray toy ny inona, lohataona iray! Tokony hihira an'ireo haleloia lehibe ny fiangonana. Saingy raha tokony ho izany, dia oriory eo izy ireo, malahelo sy ny sisa, satria diso tamin'ny finoana an'izay rehetra Nolazainy izy ireo.

²³ Ary zavatra mitovy amin'izany ihany izao hariva izao, satria diso amin'ny finoana an'izay Nolazainy sy nampanantenainy izy ireo. Izany no antony, mahatonga ny fiangonana ho ao amin'ny toerana iray tahaka an'izany izao hariva izao, izay misy azy, izany dia satria diso tamin'ny finoana an'izay rehetra Nolazainy fa Hataony isika. Ny Soratra rehetra izay mikasika Azy, dia diso amin'ny finoana Azy rehetra isika. Mivazavaza an'Izany manerana isika, manafangaro an'Izany, ary mametraka zavatra hafa ao amin'Izany.

²⁴ Raha mino an'ilay Zavatra manontolo isika, dia hisy lohataonam-pifaliana iray ao amin'ny fanahintsika, satria nitsangana niaraka Taminy isika mitovy amin'ny Fitsanganany, ankehitriny dia mipetraka ao amin'ireo toeran-Danitra ao amin'i Kristy Jesosy, miaraka amin'ireo fanapahana rehetra

sy fahefana ary aizina eo ambanin'ny tongontsika. Manana zò iray isika, miaraka amin'ny Ràn'i Jesosy Kristy, ilay Famantarantsika, hoe voavidin'Andriamanitra iray isika. Fa, Andriamanitra no nandoa ny fanavotantsika, tamin'ny alàlan'i Jesosy Kristy, ka manana zò hihazona an'io Famantarana io eo amin'ny zavatra rehetra izay angatahantsika isika, ary mahazo an'izany. Andriamanitra no niteny an'izany! Milamina hatreo izany. Raha afaka mino fotsiny ny Soratra rehetra isika!

²⁵ Saingy ilay zavatra amin'ilay izy dia, ilay ampahany mampalahelo, maro ny olona izay nahafantatra Azy sy nitia Azy, saingy tsy nahafantatra fa nitsangana tamin'ny maty Izzy.

²⁶ Toy izany koa amin'izao andro izao! Maro ny olona, izay mino ary mampianatra mihitsy aza fa nitsangana tamin'ny maty Izzy, nefä mbola tsy manaiky an'Izany foana. Tsy afaka mahazo marina tokoa izy ireo. Ary ilay izy dia tena—tena zava-mahagaga iray loatra. Tena tsy mahazatra loatra ilay izy. Ao amin'ireo zavatra tsy mahazatra no misy an'Andriamanitra, raha araka ny Fampanantenany ilay izy.

²⁷ Maro no nitia Azy, nefä tsy nahafantatra an'izany. Tena tsy mahazatra loatra fotsiny ho azy ireo marina tokoa ny nino an'ireo vavolobelona izay avy tany amin'ny fasana ka nanao hoe, “Nahita vondron’Anjely iray izahay, izay nanao hoe, ‘Efa nitsangana tamin'ny maty Izzy.’” “Oh, eny, izahay . . .” Hitanareo, raha mba njery fotsiny tao amin'ny Soratra izy ireo; Izzy no nampanantena an'izany, hoe Hataony izany.

²⁸ Ary tahaka an'ireo Fariseo sy ireo mpampianatra arapivavahana tamin'ny Androny fotsiny, raha mba njery tao amin'ny Soratra fotsiny mantsy izy ireo, tahaka ny Nolazainy. “Zahao ny Soratra, fa ao Aminy no neverinareo fa anananareo Fiainana Mandrakizay, ary Izzy ireo no Hany manambara Ahy,” izay miteny hoe Iza Izzy.

²⁹ Ary raha mba njery tao amin'ny Soratra fotsiny ireo mpianatra tamin'io andro io, dia ho hitan'izy ireo tao amin'ny Soratra fa Izzy no nampanantena fa hitsangana indray. Ary Andriamanitra no nampanantena fa hanangana Azy indray, ary nanao Izzy. Kanefa, Ny Teniny nampanantaina dia voasoratra fa Hataony ho azy ireo izany. Ny Teny no nilaza fa hitsangana Izzy.

³⁰ Izzy no efa nampanantena an'izany, kanefa dia nalahelo sy ketraka tanteraka izy ireo, sy ny sisa. Nihevitra izy ireo fa verin'izy ireo ny zavatra rehetra izay nananany, ka tsy nahomby ny zavatra rehetra. Ary izany no ora maizina indrindra izay, ataoko fa, hany hitan'izy ireo. Efa nanana fanantenana tao Aminy izy ireo, ary nino Azy, ka nahita ny Fanehoany lehibe an'ireo fahagagana sy famantarana ary zava-mahagaga, sy ny fanamarinana rehetra an'ny Mesia. Ary avy eo ny mahita Azy nitsangana teo ka maty, ary nanana an'ireo rora natao teo

amin'ny Tavany, ary, nefä, afaka namantatra an'ireo eritreritra izay tao am-pon'ny olona Izy.

³¹ Fa raha manao an'ity aho miaraka amin'ny—ny fitenin'izao tontolo izao, dia mamela ahy. Fa, “rehefa ireo—tonga ireo krizy,” dia amin'izay no tokony mbola hinoanareo.

³² Rehefa nametraka vorodamba iray nanodidina ny Tavany izy ireo, ireo miaramila mamo ireo, ka nametraka vorodamba iray nanodidina ny Tavany, ary naka tehina iray ka nikapoka Azy teo amin'ny loha, dia nanao hoe, “Ankehitriny, fantatray fa mpaminany iray Ianao. Raha mpaminany iray Ianao,” dia namindra an’io tehina io tamin’ilay iray hafa izy ireo, ka nanao hoe, “teneno aminay hoe iza no nikapoka Anao. Dia hino an’izany izahay.”

³³ Hitanareo, toy ny hoe Izy—Izy—tratra tao anatin’ny fandrika iray Izy. Ary nieritreritra izy ireo hoe, “Eny, raha mba hilaza zavatra iray izy ireo ho—Taminy, dia hamely azy ireo ho jamba Izy. Hamely azy ireo ho faty Izy, raha nilaza zavatra iray izy ireo.” Hitanareo, tsy izany foana no tanjon’Andriamanitra amin’ny fanaovana zavatra. Hitanareo?

³⁴ Rehefa teo amin'ny hazo fijaliana Izy, ary Kaifa sy ny—ny mpisorona rehetra nanao hoe, “Raha Ianao no Kristy, dia teneno aminay mazava. Midina avy eny amin'ny hazo fijaliana, dia hino Anao izahay.” Hitanareo, tsy azon’izy ireo fotsiny hoe ahoana no ahafahan’Andriamanitra mba handeha eny amin'ny hazo fijaliana ka ho faty. Saingy, izany no antony naha-tonga nofo an’Andriamanitra, mba Hahafahany ho faty.

³⁵ Ireo Fariseo dia nanolotra Azy ny fankasitrahana lehibe indrindra izay hany Nananany, rehefa nilaza izy ireo fa ireo hafa izay tsy Azony... “Namonjy ny hafa Izy, nefä tsy afaka namonjy ny Tenany Izy.” Izany tokoa, fankasitrahana iray izany. Raha namonjy ny Tenany Izy, dia tsy ho afaka namonjy ny hafa Izy. Tsy maintsy nanolotra ny Tenany Izy.

³⁶ Izany no antony naha-tonga nofo an’Andriamanitra, mba ho faty, mba Ahafahany hijaly ka haka an’ilay sazy ho eo amin’ny Tenany. Tsy afaka nanao an’izany Izy raha mbola Jehovah foana Izy, tao amin'ny fanahy. Andriamanitra ilay Ray, tao amin'ny fanahy, dia tsy afaka nanao an’izany. Fa rehefa tonga nofo Andriamanitra ka nonina teo anivontsika, Olombelona iray, tamin’izay fotoana izay Izy dia afaka nanandrana ny fahafatesana, ary maka an’ilay sazy izay Napetrany teo amin'ny olombelona rehetra. Naka an’izany teo amin’ny Tenany Izy, ka nandoa ny vidiny.

³⁷ Kanefa, Ny Teniny nampanantenaina no efa nampanantena an'ity fitsanganana ity, saingy tsy azon’izy ireo fa ho toy izany ilay izy. Tsy afaka nahazo an’izany tanteraka mihitsy izy ireo. Ny Teny, Izy no fanamarinana ny Fampanantenany. Jesosy, teo am-piresahana tamin’ity Kleopasy ity sy ny sakaizany, teo

amin'ny lèlana mankany Emaosy, no fanamarinana Ny Teniny nampanantenaina, kanefa dia tsy azon'izy ireo izany.

³⁸ Ary afaka milaza an'izany aho androany. Taorian'ny roa arivo taona an'ny fampianarana, finoana, dia mbola velona foana Izzy, nefo tsy afaka mahita an'izany ny olona. Tsy afaka mahazo an'izany izy ireo. Ilay zavatra lehibe dia efanofenoina loatra an'ireo zavatra hafa izy ireo, fiahiana be loatra, ary karazan-javatra hafa be loatra. Izay no antony tsy ahafahan'izy ireo mahazo an'izany.

Nalahelo loatra sy rotidrotika izy ireo, mba hahazo an'izany.

³⁹ Ankehitriny, mariho, niresaka ny Aminy izy ireo. Ankehitriny teo amin'ny lèlana nankany Emaosy izy ireo, niverina nankany amin'ny asany fahiny indray. Ary nandeha nanjono i Petera, ka nandeha niaraka taminy ny sasany vitsivitsy tamin'izy ireo. Ary Kleopasy sy ny sakalazany, nanao hoe, "Eny, handeha hankany Emaosy isika." Tany angamba no nipetrahan'izy ireo, ary teo amin'ny dia iray andro Sabata, maily vitsy tany ampitan'ilay havoana.

⁴⁰ Ary ity marainan'ny Paska nahafinaritra ity, dia nitsangana tamin'ny maty Jesosy! Nitsangana! Ny Teniny, Tenin'Andriamanitra, dia tanteraka. "Tsy hamela Ny Iray Masiko hahita ny lò Aho, ary Izaho tsy hamela ihany koa Ny... Izaho tsy—tsy hamela ny Fanahiny any amin'ny helo, ary Izaho tsy hamela ihany koa Ny Iray Masiko hahita ny lò," izany no Teny Mariho, Davida no niteny an'izany.

⁴¹ Hoy Jesosy hoe, "Ravao ity tempoly ity, fa Izaho no hanangana azy afaka telo andro." Hitanareo? "Hiakatra any Jerosalema ny Zanak'olona, ka hatolotra eo an-tànan'ny Jentilisa, sy olona lozabe, ho esoina sy karavasiana, ary hohomboana, fa amin'ny andro fahatelo dia hitsangana indray Izzy." Izy no niteny an'izany, tokony nilamina hatreto izany.

⁴² Ary indro ireto lehilahy ireto izay Nilazany an'izany, izay nahafantatra ny Teny, nandeha teny an-dàlana, nalahelo mikasika an'izany. Azonareo eritretina ve ny fampisehoana iray tahaka an'izany? Saingy niverina indray tokoa izany. Niverina indray izany.

⁴³ Mahita isika, raha nandeha teny an-dàlana izy ireo, zavatra lehibe iray mikasika azy ireo, niresaka ny Aminy izy ireo rehefa niseho Izzy.

⁴⁴ Ankehitriny dia izany ilay olana amin'izao andro izao, ny antony iheverako fa tsy Isehoany amin'ny maro amintsika, dia satria tsy miresaka betsaka ny Aminy isika. Manana an'ireo zavatra hafa izay tsy maintsy resahantsika isika. Ny fahasamihafan'ny anaram-piangonantsika, tsy maintsy mifamaly mikasika an'izany isika. Tsy maintsy miresaka mikasika ny kominisma isika. Manana an'ireo karazana fandaharana rehetra isika, sy ny zavatra hafa rehetra,

mamatotra antsika rehetra. Tsy manam-potoana hiresahana mikasika Azy isika. Ny fandaharam-piangonana, iza no ho pasitera voafidy, iza no hanao an'ity, ary iza no hanao an'itsy, miresaka mikasika ny zavatra hafa rehetra afa-tsy Izy isika.

⁴⁵ Nefa, tokony hiresaka mikasika Azy isika! Izany foana ilay izy. Izany no tokony ho—ho... Izany no tokony ho tanjontsika, izany no tokony ho—ho fiainantsika manontolo, dia ao Aminy.

⁴⁶ Nilaza tamin'ny lehilahy iray aho indray andro. Hoy izy hoe, "Nahoana, mino an'izany karazan-javatra izany ve ianao?"

⁴⁷ Hoy aho hoe, "Tompoko, nolaniako ny fiainako. Marina izany. Hanome ny fiainako ho an'Izany aho. Maniry aho ny hanana fiainana iray alina mba homeko ho an'Izany. Mbola mino an'Izany foana aho."

⁴⁸ Azo antoka, tsy maintsy miresaka mikasika Azy isika, raha tiantsika ny hahita Azy. Amin'izany, foana.

⁴⁹ Tokony ho nahafantatra Azy izy ireo, saingy tsy nahafantatra mihitsy. Rehefa nandeha teo akaikin'izy ireo Izy, dia tokony ho nahafantatra izy ireo. Tsarovy, efa nandeha niaraka Taminy nandrity ny telo taona izy ireo. Nefa indro ilay... Azonareo eritreretina ve? Ireo Mpianany izay nandeha niaraka Taminy nandrity ny telo taona, indro Izy mandeha eo akaikin'izy ireo mihitsy, nefo dia tena jamba tahaka ny ramanavy iray fotsiny. Nahoana? Satria tsy nahafantatra ny Soratra izy ireo. Ary, kanefa, niteny tamin'izy ireo ny Soratra Izzy.

⁵⁰ Ary indro Izy, *Imanoela*, "tonga nofo, nonina teo anivontsika," nefo tsy nahafantatra an'izany ireo Fariseo. Tsy afaka nahazo an'izany izy ireo, hoe ahoana fa ity Lehilahy ity... Eny, nohomboan'izy ireo Izy, satria, hoy izy hoe, "Nandrava ny Sabata Izy ary—ary nanao ny Tenany ho Andriamanitra." Izany no antony nanohomboan'izy ireo Azy. Ankehitriny dia mahita isika, fa ny antony nahadiso azy ireo tsy nahafantatra an'izany, dia satria tsy nahafantatra ny Soratra izy ireo.

⁵¹ Ankehitriny dia tokony ho nahafantatra Azy ireto mpianatra ireto, saingy tsy nahafantatra ny Soratra izy ireo. Indro ary Izy fa nanambara tamin'izy ireo, mariho, raha nanomboka nandeha Izy, dia Nambarany tamin'izy ireo ny fampanantenan'ny Soratra mikasika ny Tenany ho an'io taona io; tsy ireo fampanantenan'ny Soratra tamin'ny taonan'i Noa, tsy ny fampanantenan'ny Soratra ho an'ny taona hafa. Ny fampanantenan'ny Soratra mikasika ny Tenany ho an'io taona io, izay naneho marina tokoa hoe iza Izy. Hitanareo?

Nanomboka nanontany azy ireo Izy, nanao hoe, "Nahoana no malahelo loatra ianareo?"

⁵² "Nahoana," hoy izy ireo, "vahiny eto ve Ianao?" Mijery Azy manatrika mihitsy. "Vahiny eto ve Ianao, ka tsy

mahafantatra an'izay nitranga? Nahoana, Jesosy avy any Nazareta, mpaminany iray voamarin'Andriamanitra, ary izahay dia nanantena fa Izzy no ho Anankiray izay hanafaka ny Israely; ary ity no andro fahatelo, fa nohomboan'izy ireo Izzy, sy ireo zavatra rehetra ireo." Ary Izzy fotsiny . . .

⁵³ Hoy Izzy hoe, "Zavatra inona no nitranga?" Toy ny hoe tsy nahafantatra na inona na inona mikasika an'izany Izzy. Hitanareo, Izzy dia nanao fotsiny toy ny hoe Izzy—tsy nahafantatra na inona na inona mikasika an'izany Izzy.

⁵⁴ Fa tsarovy ankehitriny, rehefa nanomboka niteny Izzy tamin'izay fotoana izay, dia nanomboka nanambara tamin'izy ireo an'ireo teny fikasana mikasika ny Tenany Izzy. Hoy Izzy, "Tsy fantatrareo ve hoe toy ny ahoana no tsy mantsy hiaretan'i Kristy aloha ka hidirany ao amin'ny Voninahiny?" Ary avy eo dia nanomboka Izzy, tamin'ireo Soratra, tamin'i Mosesy sy ireo mpaminany rehetra, ary nanambara tamin'izy ireo an'ireo Soratra mahakasika ny Tenany, ny Mesia. Ho inona ilay Mesia, inona ireo hetsika izay tsy mantsy Hataony, ny zavatra rehetra izay tsy mantsy haha-izy Azy, Nambarany tamin'izy ireo izany, nefà dia mbola tsy azon'izy ireo foana Izzy.

⁵⁵ Raha tsy izany no famerenana indray, amin'izao andro izao! Manao an'ilay zavatra iray ihany Izzy, nefà dia mbola miraparapa ao anatin'ny aizina foana ny fiangonana. Manambara amin'izy ireo hoe Iza Izzy sy hoe inona Izzy, nefà—nefa mbola milaza foana izy ireo hoe, "Eny, ankehitriny, mino aho fa ny fiangonako dia mampianatra . . ." Eo ianareo izao. Hitanareo, izany no antony mahatonga anareo . . .

⁵⁶ Miverena amin'ny Soratra, zahao ny Soratra, Izzy ireo no manana ny Fahamarinana. Aolantsika loatra Izany. "Ahoana no ahafantarantsika fa Izany no Soratra?" Rehefa Soratra iray nampanantenaina ho an'io taona io ilay izy.

⁵⁷ Ankehitriny, tsy niverina Izzy ka nanao hoe, "Tsaroanareo ve i Mosesy, inona no nataony?" Hitanareo? Nambarany tamin'izy ireo ny Soratra mahakasika ny Tenany, ho an'io taona io. Izzy no Hazavan'io taona io.

⁵⁸ Mosesy dia hazavan'ny taonany. Jeremia dia hazavan'ny taonany. Izany no hazavan'Andriamanitra namiratra ho an'ny Teny izay nampanantenaina ho an'io taona io. Nanana ny Teniny nampanantenaina ny taona tsirairay. Mandefa an'ireo Mpaminaniny Andriamanitra ary manambara an'io Teny io; manamarina ny Mpaminaniny, aloha, avy eo dia manambara an'io Teny io ka manao Azy ho velona.

⁵⁹ Ary Jesosy no Kristy. Ary ny zavatra rehetra mahakasika an'i Kristy, dia Izzy no nanamarina an'izany. Fahaterahana ara-virijiny iray, nanasitrana ny marary, namantatra an'ireo eritreritra tao am-pon'izy ireo, ny zavatra rehetra izay natao Hataony mba ho—ho ny Mesia, ary, mbola, nitsangana tamin'ny

maty, nefà dia mbola tsy nanaiky an'izany foana izy ireo. Mbola tsy nahafantatra an'izany foana izy ireo. Rehefa avy voambara ireo Soratra, dia mbola tsy nahafantatra Azy mihitsy foana izy ireo, na dia Izy aza io Teny nampanantenaina io. Tsarovy ankehitriny hoe mahafinaritra toy ny ahoana izany, ny Teny izay Nambarany tamin'izy ireo, nasehony tamin'izy ireo. Efa nandeha niaraka Taminy mihitsy izy ireo nandrity ny telo taona, ary nanaiky fa, nahafantatra fa Izy no nahatanteraka an'io Teny io. Nandeha teo izy ireo, nandeha nankany Emaosy hoe, "Izany ve ilay izy?" Hah! Tsy nahazo an'izany fotsiny! Tsy azon'izy ireo ilay izy.

⁶⁰ Mariho àry ilay izy rehefa tonga teo amin'ny toerana, rehefa avy nanambara ny Teny Izy, niverimberina, tamin'izy ireo, ary naneho tamin'izy ireo hoe ahoana no tsy maintsy hanaovan'i Kristy an'ireo zavatra ireo, nefà mbola tsy azon'izy ireo foana izany. Mariho ilay teny mafy azon'izy ireo, ireo mpitory teny ireo, nohon'ny tsy nahafantarana sy tsy nanekena an'ilay Soratra tanteraka izay tanteraka teo anoloan'ny mason'izy ireo. Mariho ireo Teniny tamin'izy ireo hoe, "Adala, votsa amin'ny fahazoana." Teo Andriamanitra Izy tenany, ilay Mesia nitsangana, nandeha niaraka tamin'izy ireo, naneho tamin'izy ireo. Hoy Izy, "Nahoana, tsy azonareo ve fa tsy maintsy manao an'ireo zavatra ireo Kristy? Tsy fantatrareo ve fa izany dia tsy maintsy ho tahaka an'ity, sy tahaka an'ity, ary tahaka an'izao sy izao?"

⁶¹ Ary nandrity ny andro manontolo, nanazava tamin'izy ireo ny Soratra, nefà mbola hoe, "Izany ve ilay izy?" Ary tsy nahafantatra fa Izy mihitsy io nitsangana teo io.

⁶² Avy eo dia njery manodidina Izy. Rehefa avy nitory ny Teny Izy, ary niteny tamin'izy ireo sy naneho tamin'izy ireo an'ireo zavatra izay natao hisy, dia mbola tsy azon'izy ireo foana ilay izy. Hoy Izy hoe, "Adala, ary votsa fo mba hahazo, hitanareo, hahazo an'ilay Soratry ny ora voamarina," ny Soratra izay nahakasika Azy tamin'io andro io. Kanefa dia niaraka tamin'ireo mpianatra Izy, saingy tsy nahafantatra an'ilay Teny voasoratra izy ireo rehefa nahita an'Izany tonga voaseho.

⁶³ Tiako ny hamela an'izany hilentika, vetivety fotsiny. Hitanareo? Hitanareo, tsy nahafantatra rehefa ny... Mamaky an'izany avy ao amin'ny Soratra, fa izany no teny fikasana iray ho an'ity andro ity, ary avy eo dia mandinika an'Andriamanitra manao an'ilay izy hiseho, nefà dia mbola milaza foana hoe, "Manontany aho." Ilay zavatra iray ihany, hitanareo, marina tokoa. Mbola mifanaraka amin'ny olombelona foana isika.

⁶⁴ Ary hitantsika fa niteny mafy azy ireo Izy, nasiaka mihitsy. Mpianatra izy ireo. Satria, tsy nahafantatra ny Teny izy ireo, ka, rehefa tonga voaseho teo anatrehan'izy ireo Izany, dia tsy azon'izy ireo.

⁶⁵ Inona? Ilay zavatra iray ihany no mitranga amin'izao andro izao. Fa eo afovoan'ny olona . . . Manao anareo halahelo azy ireo izany, satria ny anankiray manana vondrona iray mandeha amin'ity lèlana ity, ary ny anankiray mandeha amin'ity lèlana anankiray ity, ary ny hany heverin'izy ireo mikasika an'izany dia ny hanao an'io vondrona io hitombo. Izany no antony tsy ahafahan'i Kristy manambara ny Tenany amin'ny olona.

⁶⁶ Nahoana, ny Fianganana no tokony ho ilay tena . . . Nahoana, tokony ho ao amin'ny dingany lehibe izy ankehitriny, sy ny herin'ny Fitsanganany, ireo famantarana sy fahagagana lehibe.

⁶⁷ Raha tokony ho izany, dia niadaladala betsaka tamin'izany izy ireo, hany ka niditra tamim-pahajambana tao amin'ilay Fiombonambe Ekiomenika, mba handray ny mariky ny bibidia, nefo tsy mahafantatra an'izany; izany marina tokoa, eo am-pahafantarana fa Ny Teniny no milaza fa hanao an'izany ilay izy. Dia mihevitra izy ireo fa tena tsara izany, mahafinaritra izany, manao tolotra tsara iray, dia manao tahaka an'izany izy ireo. Ahoana no ahafahan'ny roa miara-mandeha? Inona no hataonareo Pentekotista? Tsy maintsy hanao sorona ny fampianaranareo ara-pototra ny amin'ny batisan'ny Fanahy Masina ianareo, mba hanaovana an'izany. Izany tokoa, hanao ianareo. Ary eo ianareo izao. Inona no hataonareo rehefa tonga izany fotoana izany? Miditra am-pahadalana fotsiny ao anatin'izany!

⁶⁸ Ny sasany amin'ireo mpitarika vahoaka Pentekotista, olon'ny Filazantsara feno, mitsangana ao amin'ireo fiombonambe ireo, ary mipetraka eo anoloan'i Vatican, ary ao amin'ireo laharam-boninahitra, sy ny sisa, ka manao hoe, "Izany no fihetsaham-po ara-panahy indrindra."

⁶⁹ Ny olona iray izay ngoly ny amin'ny Fanahin'Andriamanitra, ka nanao zavatra tahaka an'izany, tsy mahagaga raha nilaza Izy hoe, "Adala, ary votsa fo mba hahazo an'izay nolazain'ny Soratra." Hiteny Izy izao hariva izao, raha hiteny amin'ny alàlan'ny vazy iray Izy, dia hiteny an'ilay zavatra iray ihany Izy. "Adala, ary votsa fo mba hahazo hoe ahoana izany rehefa tonga voaseho teo mihitsy ny Teny, nefo avy eo dia miditra ao anatin'izany avy hatrany." Mitovy ankehitriny!

⁷⁰ Sahirana loatra amin'ireo fandaharantsika isika. Loatra . . . Sahirana loatra izy ireo, nihaino Azy, nefo nanao zavatra hafa. Ary-ary noho izany dia mahita isika, fa, manana fanekem-pinoana maro be samihafa isika ankehitriny, manana fandaharan'ny televiziona maro be isika.

⁷¹ Ary ankehitriny dia manana hetsika anti-kominista iray isika. Nihaino ny *Life Line* aho, indray maraina, nanolotra an'ireo filazana voatahiry an'izany, hoe—hoe, ny kominisma, nahoana, tsy hahafoana an'izany mihitsy ianareo. Nahoana, efa teto izy ireo nandrity ny taona sy taona ary taona. Ireo

fandaharana samihafa sy rafitra ireo, izany no nolazain'ny *Life Line*, dia ao anatin'ireo fitarihana ireo mihitsy aza toy ny hoe miaraka amin'ny fahalemen'ny atidoha, sy ny karazan-javatra tahaka an'izany ao anatiny, ao amin'ilay hetsika anti-kominista. Ny hetsika anti-kominista, ireo kominista no ao manindrimandry an'izany, mba hahitana fotsiny hoe izo no izo. Oh, oadray! Tsy liana amin'izany aho.

⁷² Liana amin'ny Fihavian'i Jesosy Kristy aho, ho an'ny Fianganana iray. Tokony ho sahirana mikasika an'izany ireo mpitoriteny, ka hahita an'izay nampanantenain'ny Soratra amin'izao andro izao. Tsy miandry fanapahana iray aho, an'ny kominista. Miandry fihavian'ny Fanjakana iray aho, Jesosy Kristy, sy ny Arivo taona hipetraka. Tsy liana (mihitsy) akory aza amin'ny kominisma na ny iray amin'ireo ismany, na ireo isma ara-pivavahanareo, tsy ny iray amin'izany! Liana amin'i Jesosy Kristy aho, ary Izy irery ihany, mitondra ny olona hahita Azy. Eto Izy, manaporofa ny Tenany, eto maneho marina tokoa an'izay Nolazainy fa Hataony amin'ny andro farany.

Ankehitriny dia tsy azon'izy ireo izany. Sahirana loatra izy ireo.

⁷³ Kanefa, izy ireo dia mihambo ho mino amin'izao andro izao fa nitsangana tamin'ny maty Izy. Ny olona rehetra, mino ve ianareo fa nitsangana tamin'ny maty Izy? Ireo izay tena mihambo ho Kristiana, dia mino an'izany. Ary avy eo dia afaka ny ho tonga eo avy hatrany Izy ka manao marina tokoa an'izay Nolazainy fa Hataony aorian'ny Fitsangananany, nefo mbola tsy mahita an'izany foana izy ireo. Eny, tompoko. Oh! Izany no fahamarinana. Izy ireo, tsy mbola mahita an'izany foana izy ireo.

⁷⁴ Fanekem-pinoana, fandaharana ara-pampianarana, alain'izy ireo ny mpitoriteny dia ataony tena nianatra izy ireo. Izany no nanajamba, jamba tamin'ireo teolojijany nataon'olona, ka lavity ny Tenin'Andriamanitra izy ireo.

⁷⁵ Araka ny nolazaiko omaly hariva hoe, tsy mila mpandika teny iray Andriamanitra. Tsy afaka handika Ny Teniny aho, tsy misy olona iray koa afaka handika Ny Teniny. Izy no Mpandika teniny Manokana. Rehefa nilaza Izy fa hanao zavatra iray Izy, dia Ataony izany, ary milamina hatreto izany. Izay ihany ny amin'io. Izy no nilaza fa Hataony ilay izy, dia Nataony izany. Milamina hatreto izany. Tsy mila na iza na iza hiteny Izy hoe *ity dia* Izao, na *itsy dia* Izao. Izy no manao an'izany, Izy tenany. Ny fandikantsika dia tsinontsinona ho an'ny Soratra. Miteny Izy, Izy tenany, dia tahaka an'izany ilay izy.

⁷⁶ Tamin'ny voalohany, rehefa hoy Izy hoe, "Aoka hisy mazava," dia nisy mazava. Tsy mila fandikana iray izany. "Hanan-anaka ny virijiny," dia nanana! "Handrotsaka Ny Fanahiko amin'ny nofo rehetra Aho," dia Nataony. Tsy mila fandikana iray izany.

⁷⁷ Izay Nolazainy fa Hataony amin'izao andro izao, dia Nataony izany. Tsy mila hadika izany; mandika ny tenany izany. Izy no Mpandika teniny Manokana.

⁷⁸ Ankehitriny, saingy sahirana loatra mikasika an'ireo zavatra hafa isika, ary mitondra ny olona hanalavitra. Ary maro amin'ireo misionantsika an'ny Filazantsara feno, sy ny sisa, ary ireo sekoly, no manao fitsapana momba ny saina ho an'ny lehilahy iray alohan'ny...fitsapana ara-tsaina, eo anatrehan'ny—ny mpahay momba ny saina iray, alohan'ny ahafahany ho—ho lasa misionera iray, mba hahitana raha ambony be ny IQ-ny. Tsy zavatra iray ve izany? Afaka mieritreritra an'izany aho ao amin'ny zavatra iray arapototra, lasan-davitra izay efa maty taona maro lasa izay. Fa amin'ny maha-tena vaovao ny Pentekosta, dia ahoana no mba ahafahan'izy ireo manao zavatra iray tahaka an'izany?

⁷⁹ Efa noeritreretinareo ve ny IQ izay notakian'izy ireo tamin'ny Andron'ny Pentekosta? Finoana an'Andriamanitra, izany no notakian'izy ireo. Marina! Izany ilay fitakiana. "Raha mino ianao, dia izao famantarana izao no hanaraka an'ireo izay mino," hoy Jesosy. Tsy nitsapa azy ireo mihitsy ny amin'ny IQ-n'izy ireo Izy. Hoy Izy hoe, "Mandehana any amin'izao tontolo rehetra izao," ry misionera, "ataovy mpianatra ny firenena rehetra. Izao famantarana izao no hanaraka an'ireo izay mino!" Izany ilay IQ, IQ-n'Andriamanitra, raha manana finoana betsaka hanao an'ireo zavatra ireo ho velona sy tena misy ianareeo, Kristy voaseho eo amin'ny olona.

⁸⁰ Fa, amin'izao andro izao, dia te-hitsapa azy ireo amin'ny karazana fandaharana ara-pampianarana iray isika. Oadray!

⁸¹ Nitsapa an'i Jack Ruby, indray andro, nohon'ny fahararian-tsaina. Mbola manao an'izany foana izy ireo. Ilay izao tontolo izao manontolo no marary saina. Azo antoka, adala ny olona. Tsy misy olona afaka hitifitra iray hafa raha tsy efa adala. Ilay izao tontolo izao manontolo no adala. Izany tokoa, izany izy. Ilay mpamboly, adala izy ho an'ilay mpandrahahaha. Ilay mpandrahahaha dia adala, ho an'ilay mpamboly. Iza no adala? Ilay vondrona manontolo.

⁸² Anankiray ihany no zavatra milamina, ary izany dia Jesosy Kristy ilay Zanak'Andriamanitra, ary Ny Filazantsarany no valiny ho an'ny zavatra rehetra. Ny bokintsika momba ny saina, sy ireo zavatra rehetra ireo, dia fahadalana. Raha mifanohitra amin'ity Teny ity ilay izy, dia ario any. Ny Tenin'Andriamanitra no marina, fa ny hafa rehetra dia diso.

⁸³ Hitantsika ireo zavatra ireo. Tsy mahagaga raha lasa kotsa ao anatin'ny rà izao tontolo izao! Tsy mahagaga ireo zavatra ireo raha arak'izay maha-izy azy ireo ankehitriny! Isika tsy.... Ilay izy fotsiny isan'andro.... Manontany aho raha i Oswald, izay namono ny Filohantsika, manontany aho raha nahazo

fitsapana fahararian-tsaina iray izy. Misalasala ny amin'izany aho. Saingy, hitanareo, ahoana no ahafahan'ny lehilahy iray mihazakazaka ka mitifitra lehilahy hafa iray, avy eo dia manala ny ainy ka manohy? Ankehitriny, eto Texas aho, hijanona eo amin'izany fotsiny aho. Fa mamelà ahy hiteny zavatra iray aminareo, mba... Ny Tompo no hikarakara an'izany rehetra izany, indray andro any, amin'Ny Fihaviany. Mariho, tsy manana zò hanala ain'olona iray ianareo. Tsia, tompoko. Andriamanitra no hany tokana manana zò hanala aina. Marina izany.

⁸⁴ Diniho ankehitriny, ilay Teny voasoratra marina tokoa, ilay teny fikasana ho an'io taona io, voamarina tanteraka tokoa, nefà dia mbola tsy fantatr'izy ireo foana Izany. Mariho, nanaiky Azy fotsiny ho mpaminany iray izy ireo, Jesosy avy any Nazareta. "Ianao fotsiny ve... Vahiny iray eto ve Ianao? Jesosy avy any Nazareta, izay mpaminany mahery iray tamin'ny asa teo anatrehan'Andriamanitra sy ny olona." Nanaiky Azy ho mpaminany iray! Noho izany, raha nanaiky Azy ho mpaminany iray izy ireo, ny mpaminany iray dia nirahina ho an'io taona izay iainany io. Izy dia tsy maintsy maneho ny teny fikasan'Andriamanitra. Tonga amin'ny mpaminany ny Teny. Ary raha Izy no ilay mpaminany, amin'izay fotoana izay dia tsy maintsy voaseho tamin'ny Alalany ny Teny nampanantenaina ho an'io taona io, nefà dia mbola tsy nahita Azy foana izy ireo. Tsy afaka nahita an'izany fotsiny izy ireo.

⁸⁵ Hoy izy ireo hoe, "Mpaminany iray Izy, mahery tamin'ny asa," ka ireo Asany dia, "mahery tamin'ny Teny teo anatrehan'Andriamanitra, sy ny sisa. Lehibe Izy, ary izahay dia nanantena..." Nanana ny fanantenany niorina teo Aminy ny Isirael; Isirael ara-panahy, fa tsy Isirael ara-fiangonana, ilay... firenena fotsiny. Ireo—ireo olona, ilay tena Isirael ara-panahy dia nanana ny fanantenany niorina teo Aminy.

⁸⁶ Ary, mariho, tamin'izay fotoana izay rehefa nanaiky Azy ho mpaminany iray izy ireo, dia inona no Nataony? Nanao marina tokoa an'izay tokony hataon'ny mpaminany iray Izy, nandeha niverina avy hatrany teo amin'ny Teny Izy. Hitanareo? Niverina avy hatrany, mba haneho. Raha mpaminany iray Izy izay nolazain'izy ireo fa izany Izy, dia mandeha miverina avy hatrany haneho ny Teny nampanantenaina ny amin'ny Tenany Izy, an'io andro io. Mbola tsy nanaiky Azy foana izy ireo. Nandeha avy hatrany, jamba arak'izay naha-izy azy ireo, tsy nanaiky an'izany. Ilay Teny nampanantenaina ho an'ny taonan'izy ireo, Izy no mpaminany haneho an'io zavatra iray io ihany.

⁸⁷ Jereo ankehitriny, hoy Izy hoe, "Adala, votsa fo mba hahazo an'izay rehetra nolazain'ireo mpaminany mikasika an'i Kristy, ahoana fa tsy maintsy miaritra an'ireo zavatra izay Nolazainy ireo Izy, ary avy eo dia hiditra ao amin'ny Voninahiny, ka hitsangana amin'ny andro fahatelo. Ireo zavatra rehetra izay nasaina Nataony, kanefa ve dia tsy azonareo?"

Tokony ho fantatr'izy ireo fa nisy Lehilahy iray teo izay nanao fanamarinana an'izay nolazain'izy ireo fa ninoany. Saingy mbola tsy afaka nahita an'izany foana izy ireo. Izy no famantarana iray azo antoka an'ny tena—tena mpaminany marina iray, isan'andro; tsy hoe hiverina amin'ny teny hafa iray, hiverina amin'ny hafa iray, fa hanaporofo Teny iray hoe velona ao amin'ny Fampanantenany Izy androany.

⁸⁸ Tsarovy ankehitriny, talohan'ny Nahatongavany, dia tonga teo amin'ny sehatra i Jaona. Mpaminany iray izy. Ary inona izy? Mpialoha lâlana iray an'ny Mesia. Ary hoy izy hoe, "Tsy izaho no Mesia." Nihevitra izy ireo fa izany izy, satria mpaminany iray izy. Hoy izy hoe, "Tsy izaho no Mesia. Tsy mendrika akory hamaha ny Kirarony aza aho, fa mitsangana eo anivonareo Izy." Oh, pozitifa i Jaona fa teo Izy, satria Fantany fa izy no tsy maintsy hampiditra Azy.

⁸⁹ Mpisorona iray ny rainy. Tsy nandeha tany amin'ny semineran'izy ireo izy, mba hianatra ho mpisorona iray. Lehibe loatra ny asany. Nandeha nankany an-efitra izy, mba ho irery niaraka tamin'Andriamanitra. Tsy te-hitondra kara-piombonana iray avy tamin'olona iray izy, raha tsy izany izy ireo dia ho nilaza an'ity, *itsy*, na ny *hafa*, satria lasa nikorontana tanteraka izy ireo ary voataonan'ny—ny didin'olona tamin'io andro io. Lehibe ny asany. Tsy maintsy niankina tamin'Andriamanitra irery izy, satria izy no tsy maintsy hanambara ny Mesia.

⁹⁰ Hoy Jesosy hoe, "Izy dia hazavana mirehitra sy mamiratra iray, ary naniry ny handeha niaraka taminy ianareo nandritry ny vanim-potoana iray, nankasitraka nandeha niaraka taminy. Fa manana vavolombelona lehibe noho i Jaona Aho." Hitanareo? Izy dia . . . Mbola tsy nino an'izany foana izy ireo.

⁹¹ Famantarana azo antoka iray an'ny tena mpaminany marina iray, nitsangana, nitondra azy ireo hiverina amin'ny Teny. Tsy nety azon'izy ireo ny fomba Firesany.

⁹² Ary, jereo, ny Soratra no nilaza fa izany no hitranga, arabakiteny marina tokoa ny fomba nitrangany. Na dia i Davida aza, an-jato taonany maro talohan'io, teo amin'ny valonjato taona teo, dia niantsoantso an'ilay tena zavatra mihitsy izay Nolazainy teo amin'ny hazo fijaliana. Ary tsy isalasalana, fa tao an-tempoly tamin'io maraina io, dia mety nihira an'io hira iray io ihany izy ireo, Salamo 22 hoe, "Andriamanitro, Andriamanitro, nahoana no nahafoy Ahy Ianao?" Tao an-tempoly nihira mikasika an'izany, nefá, ilay Andriamanitra izay nihamboan'izy ireo fa notompoiny, no nohomboan'izy ireo.

⁹³ Toy izany koa amin'izao andro izao! Ilay Andriamanitra izay ihamboan'izy ireo fa inoany, izay maneho ny Tenany, izy ireo dia, hakatonareo ny varavarana rehetra, ary tsy misy fiarahamiasa, tsy misy na inona na inona hafa. Izy ireo . . . Mifanohitra

amin'ny fanekem-pinoan'izy ireo izany. O ry adala, votsa fo mba hahafantatra ny andro izay iainantsika! Tsy nampanantena an'izao ve Andriamanitra amin'ny andro farany? Ahoana no haha-matimaty an'ity fiangonana Laodikia ity, ka any ivelany Jesosy, miezaka ny hiditra ho an'ny fiaraha-miasa kely iray? Inona Jesosy? Ny Teny, ny Teny marina izay tonga voaseho. Any ivelany, miezaka ny hiditra, nefà tsy afaka niditra.

⁹⁴ Ilay ora izay iainantsika, mazava ho azy, dia jamba, mitovy ihany. Jesosy no nilaza fa ho tahaka an'izany izy ireo. Ireo mpaminany no nilaza fa ho tahaka an'izany izy ireo. "Kiriana, mpieboebo, tia fahafinaretana mihoatra noho ny fitiavana an'Andriamanitra. Mpanontolo fo, mpanendrikendrika, tsy mahonom-po, tsy tia ny tsara, manana ny endriky ny toe-panahy araka an'Andriamanitra, mandà ny Heriny," ny Herin'ny Fitsanganany, ny Fanehoany fa Izy no tsy miova omaly, anio, ary mandrakizay. Ary velona Izy androany, mandrakizay mandrakizay, mba hanamarina an'ireo zavatra izay efa Nolazainy. Tsy mivazavaza anareo aho, fa tiako handre ianareo.

⁹⁵ Marina, mbola mikatona ny mason'izy ireo. Mariho, na dia tsy afaka nino aza izy ireo, dia nisy zavatra tao anatin'y, nanasa Azy hiditra izy ireo. Izy dia nanao toy ny hoe hanohy Izy.

⁹⁶ Mety manao tahaka an'izany aminareo Izy, izao hariva izao. Ankehitriny eo am-pamaranana, hamarana alohaloha aho mba ahafahako manao laharam-bavaka iray. Izy dia mety manao toy ny hoe handalo anareo fotsiny Izy. Angamba tsy ho voaantso ny karatra fangataham-bavakareo, saingy, tsarovy, angamba Izy manome fizahan-toetra iray anareo fotsiny, ihany koa. Hitanareo, mbola Andriamanitra foana Izy eo tahaka ny maha-izy Azy eto ambony eto, na any an-kafa na aiza na aiza. Manaporofa an'izany Izy, isan'andro, isan-kariva. Andriamanitra Izy, hatraiza hatraiza. Hitanareo? Manatrika foana Izy.

⁹⁷ Tsarovy ankehitriny, Izy dia manao toy ny hoe handalo fotsiny Izy. Ary nanery Azy izy ireo. Ankehitriny, tsy azon'izy ireo izay Noresahany, kanefa ny sain'izy ireo rehetra... Tsy fantatr'izy ireo izay hinoana.

⁹⁸ Ankehitriny dia maro ny olona tahaka an'izany, androany. Maro ny olona tahaka an'izany eto Beaumont, izao hariva izao. Tsy fantatr'izy ireo izay hinoana. Fa fantatrareo ve hoe inona no nataon'izy ireo? Nanao an'ilay zavatra hendry indrindra izay azon'ny olona iray hatao izy ireo, nanasa Azy hiditra izy ireo. Izay ilay izy. Izay ilay izy. Amin'izay fotoana izay, ary amin'izay fotoana izay irery ihany, vao afaka manambara ny Tenany Izy, rehefa asaina hiditra Izy. Arahabao Izy hiditra, manaova hoe, "Tompo Jesosy, fantattro fa ny Soratra no milaza an'izany. Mety tsy azoko ilay izy, saingy midira ato am-poko. Te-hanaiky Anao aho. Te-hino Anao aho. Noho izany, asehoy amiko ny Tenanao."

⁹⁹ Mariho, nanasa Azy hiditra izy ireo. Ankehitriny dia tsy afaka nanazava an'izany izy ireo, izy ireo—izy ireo, izany dia ny . . . Izy, Izy fotsiny . . . Tsy azon'izy ireo izay Noresahany. Nikorontana tanteraka ilay izy, ho azy ireo. Tsy afaka nahazo an'izany izy ireo, kanefa izy ireo dia nilaza, nanasa, nanery Azy hoe, "Tsy maintsy miditra Ianao!"

Hoy Izy hoe, "Tsia, Izaho—tsy maintsy manohy Aho."

¹⁰⁰ "Oh, saingy, Tompo, Ianao—tsy maintsy miditra Ianao! Ianao, tsy maintsy miditra Ianao!" Dia nanery Azy mandrapaha, niangavy Azy, ary mandra-pahatonga Azy tsy maintsy niditra.

¹⁰¹ Tahaka an'izany no ataonareo. Ary amin'izay fotoana izay rehefa miditra ao anatin' Izy, dia amin'izay vao afaka manambara ny Tenany Izy. Afaka mampahafantatra ny Tenany Izy rehefa ao anatin'.

¹⁰² Mariho hoe ahoana no Nanaovany azy taorian'ny Fitsanganany. Ilay Teny marina nampanantenaina, hitanareo, tsy fantatr'izy ireo hoe Iza Izy. Fa vantany vao tao anatin'izy ireo, tamin'izay fotoana izay dia Nampahiratiny ny mason'izy ireo. Tahaka an'izany, rehefa niditra tao anatin'ilay tranobe niaraka tamin'izy ireo Izy tany, dia Nampahiratiny ny mason'izy ireo rehefa avy niditra tao anatin' Izy. Nampahiratiny ny mason'izy ireo. Inona? Tsy tamin'ny fananganana ny Tànanay ka nanao hoe, "Mahirata, aoka hahiratra ny masonareo." Efa nahiratra ny mason'izy ireo, na ahoana na ahoana, ara-batana.

¹⁰³ Tahaka ny tany Datana, na—na Dotana, raha ny marina, izay ilay izy, rehefa nanana izy ireo tany . . . Tany i Elia. Ary ireo—ireo Syriana no teo amin'izy ireo, ka niantsoantso i Gehazy hoe, "Ry ikakiko, hatraiza hatraiza ireo Syriana!"

¹⁰⁴ Dia nivoaka i Elisa ka nanao hoe, "Maro ny momba antsika nohon'ny momba azy ireo." Hoy izy, "Tompo, ampahirato ny mason'ity zazalahy ity." Ary nanodidina an'io mpaminany antitra io, sy nanerana ny havoana, dia nisy kalesy Afo sy Anjely Afo.

¹⁰⁵ Ary hoy ny Baiboly hoe, "Nasiany fahajambana ireo Syriana." Nivoaka teo izy ka nanao hoe, "Mitady an'i Elia ve ianareo?"

Hoy izy ireo hoe, "Eny, mitady azy izahay."

¹⁰⁶ "Avia, hasehoko anareo izay misy azy." Ary afaka njery izy ireo, ara-batana, nandeha nankany. Saingy jamba izy ireo teo amin'ny hoe iza izy.

¹⁰⁷ Ary izany ilay izy, izao hariva izao, mety manana fahitana roapololo-roapololo ianareo ao amin'ny masonareo. Saingy, ny fanahinareo, afaka mahazo ve ianareo fa Izany no Teny iray nampanantenaina an'ity andro ity? Izany no teny fikasan'Andriamanitra. Miditra ao anatin' Andriamanitra,

avy eo dia mampahiratra ny masonareo. "Oh, Izy io, sa tsy izany?" Izy no nampanantena an'izany. Mariho, tao anatininy, dia Nampahiratiny ny mason'izy ireo teo amin'ny hoe Iza Izy, Iza Izy. Ankehitriny raha afaka hiditra ao anatinareo Izy, izao hariva izao, amin'ny fantson'ny finoanareo, dia afaka mampahiratra ny masonareo Izy, mba haneho aminareo fa marina ny Hebreo 13:8, hoe, "Izy no tsy miova omaly, anio, ary mandrakizay." Raha afaka miditra ao anatininy Izy ka hampahiratra ny masonareo, dia hanao tahaka an'izany Izy ankehitriny.

¹⁰⁸ Tahaka ny Nataony tamin'ilay vehivavy teo amin'ny fantsakana mihitsy, niresaka ny amin'izany isika omaly hariva. Mariho ankehitriny, nahafantatra izy, tamin'ny alàlan'ny Soratra, hoe tsy maintsy ho inona Izy. Ankehitriny, izany ilay ampahany tsara mikasika an'io vehivavy io.

¹⁰⁹ Maro amintsika, amin'izao andro izao, no tsy mahafantatra, amin'ny alàlan'ny Soratra, hoe inona Izy amin'izao andro izao. Mametraka Azy ao amin'ny fihinanam-bilona iray isika, isaky ny Krismasy. Hia, maka bitron'ny Paska iray isika ka manao an'izany ho ny Fitsanganany. Tsy mahagaga raha misavoritaka tanteraka isika. Hitanareo? Marina izany. Tsy mahagaga raha tsy fantatsika izay misy antsika. Fa ity vehivavy ity dia nahafantatra, nanana tao an-tsainy izy, tao am-pony tao io Voa io.

Araka ny nanaovako sary azy, ho an'ny sakaizako tsara, Jack Moore, androany.

¹¹⁰ Ahoana fa ireo Fariseo eo amin'ilay lafiny mainty *eto*, mainty ny fon'izy ireo teto aoriana teto. Tsy nanana Fiainana izy ireo, teo am-panombohana. Fa nazava kely kokoa izy ireo, arakaraky ny nandehanany, satria mpivavaka izy ireo ary nanampy hitandremana ny lalàna. Ary rehefa ny Teny, tany amin'ny voalohany tany, no namiratra teo amin'ny Teny, ny Baiboly, ho azy ireo; dia nandeha izy ireo, saingy *teto* aoriana teto dia tsy nanana Hazavana izy ireo.

¹¹¹ Indro tonga ity mpivarotena kely, ratsy laza ity, ny fiainany voalohany *eto* dia tena mainty arak'izay naха-izy azy, nohon'ny fiainany. Mpivarotena iray izy. Faharoa, teto ambany, dia nisy Hazavana bitika kely fotsiny, satria nanana fiheverana iray izy ny amin'ny hoe inona ny Mesia.

Eto Jesosy no nitsangana, teo anelanelan'izy ireo.

¹¹² Rehefa nanao an'ilay famantarana Mesianika Izy, naneho tamin'izy ireo hoe Iza Izy sy ny sisa, dia izany no nanamainty an'ilay zavatra manontolo an'ireo Fariseo ireo. Niverina nankany amin'ny fahamaintisana izy ireo. Tsy nanana na inona na inona hifikirana izy ireo *eto* ambany eto. Izy ireo dia niantso Azy hoe "Belzeboba," devolyl iray. Ary io hazavana izay nananan'izy ireo io, dia maty, ary levona tao anatin'izany izy ireo.

¹¹³ Indro eto ity vehivavy ity, mainty tao anatin'ny fahotana arak'izay naha-izy azy, saingy tao am-pony dia fantany hoe ho inona io Mesia io. Fantany hoe famantarana inona no Hasehony. Ary vantany vao nilaza taminy Izy . . .

¹¹⁴ Hoy Izy hoe, "Itondray Aho hosotroina." Hoy izy . . . Nifandray tamin'ny fanahiny Izy, mba hahita hoe aiza izy no nitsangana.

Dia hoy izy hoe, "Tsy fomba izao."

¹¹⁵ Hoy Izy hoe, "Raha fantatralo hoe Iza no miresaka aminao, dia ianao no hangataka Amiko hosotroina." Dia nitohy ilay fifampiresahana. Avy hatrany dia Hitany marina tokoa hoe taiza ireo eritreriny, ary inona no tao am-pony.

¹¹⁶ Fantany avy hatrany tamin'izay fotoana izay fa, rehefa tonga ny Mesia, dia tsy maintsy ho Andriamanitra ny Mesia. Andriamanitra dia ny Teny. Ny Teny dia mpamantatra iray an'ireo eritreritra ao am-po. Izany no tao amin'ireo mpaminany. Io vehivavy io dia nahafantatra betsaka nohon'ny fantatry ny antsasak'ireo mpitory teny eto Amerika amin'izao hariva izao, marina izany, marina tokoa izany, ary izy tao amin'io—io toerana io. Saingy, hitanareo, voatendry ho amin'ny Hazavana izy, ary vantany vao niseho io Hazavana io!

¹¹⁷ Dia nihevitra izy fa lehilahy iray tsotra fotsiny Izy, angamba tolo-kevitra iray. Hoy izy hoe, "Nahoana, ny razanay dia nivavaka teo amin'ity tendrombohitra ity. Nefa Ianao milaza fa any Jerosalema, satria Jiosy iray," sy ny sisa, ilay fifampiresahana . . .

Hoy Izy hoe, "Mandehana alaivo ny vadinao dia tongava eto."

Hoy izy hoe, "Tsy manambady aho."

Hoy Izy, "Nilaza ny marina ianao. Efa nanana dimy ianao."

¹¹⁸ Diniho! Io pentina Hazavana kely io, amin'ny fahafantarana hoe Iza Izy, toy ny hoe mety ho tahaka an'izany ilay izy. "Tompoko, hitako fa mpaminany iray Ianao. Fantatro, fa rehefa tonga ny Mesia, dia izany no Hataony."

Hoy Izy hoe, "Izaho no Izy."

Hoy izy hoe, "Milamina hatreo izany!" Hitanareo?

¹¹⁹ Lasa fotsy ny fahamaintisany rehetra. Ny fahafotsian'ireo Fariseo rehetra dia lasa mainty, nohon'ny fandàvana an'Izany. Izay ilay fahasamihafana, mampamiratra ny Hazavana amin'ny alalan'ny Teny. Hitanareo? Satria ny anarany dia efa napetraka teo amin'ny Bokin'ny Fiainan'ny Zanak'ondry talohan'ny fanorenana an'izao tontolo izao, nanaiky an'Izany avy hatrany izy ankehitriny. Izany no naka an'io Voa kely io, izay nipetraka tao ambadik'io loto ratsy io sy ny zavatra rehetra tahaka an'izany, ka nanadio azy.

¹²⁰ Ho an'izany no Nahatongavany, hanadio an'ireo karazana izay nomen'ny Ray Azy talohan'ny fanorenana an'izao tontolo izao. Amena. Mahatsapa ho mpivavaka aho, rehefa fantatro fa izany no Fahamarinana. “Tsy izay maniry, na izay mihazakazaka; Andriamanitra izany.” Amena. Tsy hoe firy no efa nataonareo, na firy no tsy nataonareo. Tsy misy olona nitady an'Andriamanitra; Andriamanitra no nitady anareo.

¹²¹ Ary rehefa nanelatra ilay Hazavana, dia hoy ireo Fariseo ireo hoe, “Oh, io, efa nandre betsaka an'io karazan-javatra io aho tany aloha. Belzeboba Izy. Io dia mpanao hatsarana iray.” Tamin’izay fotoana izay dia lasa mainty ilay zavatra manontolo.

¹²² Fa ity vehivavy kely ity, mainty *eto* ambony eto, fa fotsy *eto* ambany eto. Hoy izy hoe, “Fantattro fa rehefa tonga ny Mesia. Miandry Azy aho. Rehefa tonga Izy, dia hanao an'izao Izy. Tsy maintsy ho Mpaminaniny Ianao.”

Hoy Izy hoe, “Tsia, Izaho no Izy.”

¹²³ Hoy izy hoe, “Avia, hijery Lehilahy iray izay niteny tamiko an'ireo zavatra izay nataoko. Tsy izao ve no ilay Teny mamantatra an'ireo eritreritra izay ao am-po? Tsy izao ve no tena Mesia?” Tokony ho eto Etazonia izy, history teny izao hariva izao, tahaka ny anoherako an'izany betsaka. Izy, tokony ho eto izy hanao zavatra tahaka an'izany, haneho amin’ny sasany amin’ireo lehilahy ireo hoe inona ny Mesia.

¹²⁴ Mariho, vantanay vao tao anatin, dia nampahiratra ny mason’izy ireo. Noho izany, tamin’ny alàlan’ny Soratra, dia naneho ny Tenany Izy. Ankehitriny dia Nampahiratiny ny mason’izy ireo.

¹²⁵ Avy eo rehefa nilaza an'izany izy, dia niditra Izy. Izy, ilay... Inona no niditra? Ny fanambarana; ity Voa izay *eto* ambany eto ity, rehefa nandeha teo ambonin’izany io Hazavan’ny Zanaka io!

Afaka maka voa iray ianareo ka mandevina azy ao ambanin’ny vatolampy iray.

¹²⁶ Nahita aho, vao tsy ela akory izay, teo amin’izay nananan’izy ireo voan’ny tanamasoandro izay nataon’izy ireo tao anatin’ny fonosana iray nandrity ny teo amin’ny efatra arivo taona teo, tany Egypta. Nalain’izy ireo io voa io, ary ny sasany amin’ilay vary izay tao anatin’ny sompitra, izay nataon’i Josefa tao, nandrity’ireo taona rehetra ireo. Ary rehefa napetraka teo amin’ny tany izany, ka nandonia azy ny masoandro, dia velona ilay izy. Nijanona tao io tsimok’aina io.

¹²⁷ Oh, rahalahy, fa isika dia efa voatendrin’Andriamanitra, talohan’ny fanorenana ny tany, mba ho zanakalahy sy zanakavavin’Andriamanitra! Rehefa mandona an'izany io Hazavana io, dia tsy misy anaram-piangonana, tsy misy fefim-piangonana, tsy misy fanakianana, tsy misy na inona na inona

hampijanona an'izany. Ho velona izany, satria Andriamanitra no nilaza fa ho velona izany.

¹²⁸ Fantatr'izy ireo izany. Lasa nihiratra ny masonry, ary fantany izany. Fantany izany, vantany vao tao anatiny. Fantany ny Soratra, izany no antony nahafantarany Azy.

¹²⁹ Ireo mpianatra ireo taorian'ny Fitsanganany, dia tsy nahafantatra ny Soratra, ary izany no antony tsy nahafantarany'izy ireo Azy.

¹³⁰ Ary tahaka an'izany no tsy nahafantarany'ireo Fariseo an'izany. Hoy Izy hoe, "Zahao ny Soratra. Mihevitra ianareeo fa manana ny Fiainana Mandrakizay, Izaho . . . Izy ireo no hany miteny aminareo hoe Iza Aho."

¹³¹ Oh, ny fanamarinana Ny Tenany! Noho izany rehefa voamarina ny teny fikasana, dia nihiratra ny mason'izy ireo, ka nahafantatra Azy izy ireo.

¹³² Izao koa, io zavatra iray io ihany izay nampahiratra ny maso, dia nanakatona ny maso, ihany koa. Ireo izay naneso an'Izany, dia namerina azy ireo Mandrakizay tany amin'izay nisy azy ireo tany amin'ny voalohany, hitanareo, nanakatona ny masonry.

¹³³ Nahiratra tamin'ilay zavatra iray ihany ny mason'i Petera. Niandry an'izany izy. Ny mason'i Natanaela. Nilaza Jesosy fa efa Fantany talohan'ny fanorenana an'izao tontolo izao izy, hoe izy ireo no tsy maintsy ho ireo iraka ireo.

¹³⁴ Ankehitriny eo anoloan'ity rehetra ity, ao amin'ity taona izay iainantsika ity, dia inona no nataon'izany tamin'ny masonareo? Ankehitriny izany ilay fanontaniana, tsy hoe inona no nataon'izany tamin'ny azy ireo. Eo amin'ny lafiny iza no misy anareo, izao hariva izao? Ankehitriny ianareeo dia tsy maintsy na mikambana amin'ireo Fariseo, na mikambana amin'ireo apostoly, na ireo mpino. Nanao zavatra iray ho anareeo izany ankehitriny. Ianareeo fotsiny dia—eto ambony eto fotsiny manohitra an'Izany ianareeo. Izany dia nanao zavatra iray. Raha velona tamin'io andro io ianareeo, dia inona no ho nataonareo? Inona—inona no tondroin'ny toeranareo ankehitriny izao? Aiza no anaovan'izany anareo? Eritrereto izany.

"Eny, ny fiangonako . . ." Izany no nolazain'ireo Fariseo. Hitanareo?

¹³⁵ Vonona ny hanaiky an'i Jesosy Kristy ve ianareeo, amin'ny alàlan'ny Herin'ny Fitsanganany? Hanaiky hamoy ny zavatra rehetra ve ianareeo ka handeha hiaraka Aminy? Vonona hino Azy ve ianareeo, hitondra Ny Hazavany sy Fiainany ho an'ny hafa? Inona no nataon'izany? Satria Izy—satria voambara Izy amin'izao andro farany izao, Izy no nampanantena an'izany.

¹³⁶ Ankehitriny hoy ianareeo hoe, "Rahalahy Branham, tamin'izany fotoana izany no voambara ny Mesia. Fantatro fa ny Soratra no niteny an'izany."

¹³⁷ Eny, io Mesia iray io ihany no nampanantenaina hanambara ny Tenany amin'izao andro izao. Zavatra mitovy! Ankehitriny, Hebreo 13:8, henoy ankehitriny, no manondro Azy ho "ilay tsy miova omaly, anio, ary mandrakizay." Jaona 14:8... Nilaza fa, "Izay mino Ahy, hitanareo, ireo asa izay Ataoko no hataony koa." Jaona 14, sivy-... eto mahita isika, hoy Izy hoe, "Vetivety foana, ny lamin'izao tontolo izao, *kosmos*, dia tsy hahafantatra Ahy intsony. Ho jamba tanteraka izy ireo. Tsy hahita Ahy intsony izy ireo. Noho izany dia vetivety foana dia tsy hahita Ahy izy ireo, kanefa hahiratra ny masonareo, satria hahita Ahy ianareo; fa homba anareo Aho, ho ao aminareo mihitsy aza, hatramin'ny faran'izao tontolo izao." "Tsy miova omaly, anio, ary mandrakizay."

¹³⁸ Lioka 17:28 no nilaza. Jesosy no nilaza fa, "Amin'ny andro farany, ny toeran'izao tontolo izao dia hitovy mihitsy tahaka ny tamin'ny nandravana an'ireo Jentilisa tany Sodoma sy Gomora." Tsy tamin'ny andron'i Noa, rehefa ilay tondradrano (Izy dia nanome an'ireo ratsy fitondran-tena tamin'izany andro izany), fa hoy Izy hoe, "Tahaka ny tamin'ny andron'i Sodoma." Ankehitriny izany dia izao tontolo izao Jentilisa iray izay ravan'ny afo. Nametraka avana iray teny amin'ny lanitra Andriamanitra, tsy hisy intsony ny "rano," fa afo ilay izy amin'ity fotoana ity. Ankehitriny dia vonona ho amin'ny fandravana ilay izao tontolo izao Jentilisa.

¹³⁹ Izy no nampanantena fa hisy fanimbàna lehibe eto amin'ny tany. Raha efa mba nahita ny sasany tamin'ireo sary ianareo, ny fomba niakanjoan'ireo vehivavy tany, ilay mangana eo ambanin'ny mason'izy ireo, toy ny hoe misy fery mikiky izy ireo. Jereo izay ataon'izy ireo amin'izao andro izao! Faharatsiam-pitondran-tena, fanimbàna, oh, sasany amin'ireo zavatra mahatsiravina indrindra, ary milentika ao anatin'izany ity firenena ity. Izy no mitarika ny sisa amin'izao tontolo izao amin'ny fisaraham-panambadiana. Ireo vehivavintsika dia nahavery ny—ny—ny fanevan'ny fitondran-tenany. Notapahin'izy ireo ny taolan-damosin'ilay firenena. Ary izy rehetra ireo, ny antsasak'ireo zavatra eto Amerika dia miorina eo ambonin'ny, dia fananahana; ny zavatra rehetra, ny whisky-n'izy ireo, ny parakin'izy ireo, sy ny zavatra hafa rehetra. Ary milaza ireo dokotera hoe, "Poizina izany. Hamono anareo izany." Manohy misintona an'izany mihitsy izy ireo, mitovy fotsiny. Hanao an'izany izy ireo, na ahoana na ahoana. Tsy manana taovam-pampitandremana izy ireo.

¹⁴⁰ Ary ny Soratra dia milaza amin'izy ireo mba tsy hanapahany ny volony, sy ny sisa. Ary tsy miresaka ny amin'ireo vehivavin'izao tontolo izao aho; fonon-tafondro izany, na ahoana na ahoana. Fa miresaka ny aminareo vehivavy Pentekotista aho. Mahafantatra tsaratsara kokoa noho izany ianareo. Ny Baiboly no nilaza fa ny volon'i Samsona no nampiavaka

azy; ny fahaterahana Nazirita no nampiavaka azy ho an'ny Tenin'Andriamanitra. Ry vehivavy, hanao toy izany aminareo izany, olona miavaka iray. Ary ny Nazirita iray dia navahana ho an'ny Teny, lavitra an'ireo zavatr'izao tontolo izao. Ary mitory an'izany ianareo, sy mivazavaza an'izany, ary miantssoantso an'izany, nefo miverina amin'ny taona manaraka dia ratsy lavitra nohon'ny nisy anareo teo ilay izy. Tsy misy na inona na inona tavela afa-tsy ny fitsarana Masin'Andriamanitra, ireo baomba atomika sy balafomanga sy ny sisa, ho an'izao tontolo rehetra izao.

¹⁴¹ Ireo mpanao hatsikana ao amin'ny televiziona, ka miteny, sy—sy radio sy ny sisa, dia misioka sy mihira, ary mamoaka vazivavy maloto, sady milaza an'ireo teny manozena sy zavatra mahatsiravina izay tokony tsy avela akory aza, ary ireo magazina manontolo sy ny sisa dia rakotra tanteraka an'ireo vehivavy mitanjaka, ratsy fitondran-tena, ny zavatra rehetra, miezaka mampitony ny saina, miezaka ny hampilamina anareo. Mampahatsiahy ahy zazalahy kely iray nisioka tao anatin'ny maizina izany, nandalo teo amin'ilay tokontanim-pasana, niezaka nanao ny tenany hihevitra fa tsy matahotra izy. Matahotra ny ho faty ianareo, ary fantatrareo izany. Fantatrareo fa ao ianareo ho an'ny fitsarana, ary ho avy izany satria niteny ratsy ny Fanahy Masina ianareo, ary nandà an'i Jesosy Kristy nitsangana. Marina tokoa. Mikatona ny mason'izy ireo. Tsy fantatr'izy ireo izany.

¹⁴² Sodoma sy Gomora. Hoy Jesosy hoe, “Tahaka ny tamin’ny andron’i Sodoma sy Gomora.” Tahaka ny namerenako azy taminareo omaly hariva, tsy nisy mihitsy fotoana iray ao amin’ny tantara izay natao tahaka an’ity. Jereo, Lota . . .

Misy foana ny kilasin’olona telo.

¹⁴³ Lota no naneho an'ilay fiangonana, ara-anarana. Any Sodoma any izy, izay misy an'ireo vehivavy nanapaka ny volony, sy nananan'izy ireo zavatra malaza, ary izy no iray amin'ireo lehilahy filohan'ny tanàna, sy ireo zavatra malaza tahaka an'izany, ary, “Avelao aho hilamindamina.” Saingy, marina tokoa, tao am-pony tao, dia nampahory ny fanahiny ilay izy. Nahafantatra tsaratsara kokoa izy; efa niaraka tamin’i Abrahama izy.

¹⁴⁴ Tsy nandeha nidina tany mihitsy i Abrahama, tany amin'ny voalohany. Izy no ilay voafidy izay nomen'Andriamanitra teny fikasana iray, izay niandry ny fihavian'ny zanaka iray, zanaka nampanantenaina iray.

¹⁴⁵ Mbola tao amin'ny fanaony foana i Sodoma. Ary, tsarovy, nandeha tany ireo Anjely roa mba hitory teny.

Ny Anankiray nijanona niaraka tamin’i Abrahama sy io vondrona io.

¹⁴⁶ Ankehitriny, diniho, nandeha tany izy ireo mba hitory teny. Ary, tsarovy, hatramin'ny naha-tao anatin'ireo taom-piagonana ireo antsika, dia tsy nisy mihitsy lehilahy iray nirahina ho any amin'ny fiagonana, ka ny anarany dia niafara tamin'ny h-a-m, hatramin'izao. G-r-a-h-a-m, ilay iraky ny ora, nankany amin'ny fiagonana ao Babylona, tany Sodoma. Ilay evanelista malaza dia manao asa lehibe avy ao amin'izany, ihany koa. Manapoaka azy ireo izy, havanana sy havia. Tsy miraharaha an'izany mihitsy izy ireo. Hoy izy hoe, "Banana miova fo telo alina aho afaka enim-bolana; miverina amin'ny enim-bolana manaraka, tsy manana telopolo."

¹⁴⁷ Inona ilay olana? Tsy tonga na aiza na aiza izy ireo. Mandeha mitsako siligaoma, mifoka sigara, sy ny zavatra hafa rehetra, mba hanao fiaikena, na izay antsoin'izy ireo hoe "fanapahan-kevitra iray." Mety tsara daholo izany, avelao ilay evanelista hitondra azy amin'ny fomba izay lazain'Andriamanitra.

¹⁴⁸ Ho ahy, ilay izy dia tsy fanapahan-kevitra iray. Ilay izy dia fahaterahana iray! Tsy maintsy hateraka ianareo. Manana zavatra iray izay tokony hitranga ianareo.

Eto isika izao, na izany aza, eo, h-a-m.

¹⁴⁹ Mariho, teo ambonin'ny havoana, dia nisy Anankiray izay nijanona niaraka tamin'i Abrahama, saingy diniho hoe karazana famantarana inona no Nasehony. Ary izany ilay Ab-...Naneho famantarana sy famantarana tamin'i Abrahama Andriamanitra, saingy io no anankiray farany mialohan'ny nihavian'ilay zanaka nampanantenaina; ilay anankiray farany. Ilay Lehilahy, tahaka ny lehilahy iray Izy. Lehilahy tsotra iray fotsiny Izy, niakanjo; vovoka no teo amin'ireo Akanjony, nilaza fa efa tao anatin'ny dia iray Izy, nanasa ny Tongony i Abrahama.

¹⁵⁰ Ary avy eo rehefa nipetraka teo Izy, niaraka tamin'ny Lamosiny nitodika tany amin'ny tranolay, diniho ankehitriny, dia hoy Izy hoe, "Abrahama." Andro iray na roa talohan'izany, dia *Abrama* izy, ary izy dia *Saray*, S-a-r-a-y. Ankehitriny izy dia S-a-r-a-h-a, "mpanjakavavy." Izy tsy Abrama. *Abrahama*, "ilay rain'ny firenena." Tsy maintsy nanova ny anarany Izy. Mariho, hoy Izy hoe, "Abrahama, aiza ny vadinao, Saraha?"

¹⁵¹ Tsarovy ankehitriny, zato taona izy, ary izy sivifolo. Hoy izy, "Ao anaty tranolay izy, Aorianao."

¹⁵² Hoy Izy hoe, "Hamangy anao Aho araka ny teny fikasana." Hitanareo? Ary izany dia ireo valo amby roapolo andro, ho an'i Saraha.

¹⁵³ Ary nihomehy i Saraha, raha izay ilay izy, anakampony, nanao hoe, "Izaho, vehivavy antitra iray ve, hanana fahafinaretana miaraka amin'ny tompoko; izy efa antitra, ihany koa?"

¹⁵⁴ Hoy Izy hoe, “Nahoana no nisalasala ny amin’izany i Saraha, nilaza tao am-pony hoe, ‘Ahoana no hampety an’ireo zavatra ireo?’”

Ary nolaviny izany.

Fa hoy Izy hoe, “Eny, tena nilaza an’izany ianao.”

Hoy Jesosy hoe, “Tahaka ny tamin’izany mihitsy . . .”

¹⁵⁵ Diniho ankehitriny. Ahoana no nahafantaran’i Abrahama an’izany? Ankehitriny, Abrahama dia niantso Azy hoe, “Elohim.” Firy no mahafantatra fa marina izany, ireo mpamaky Baiboly? Eny, tompoko. Elohim dia ilay Anankiray ampy tanteraka, ilay Mpamorona lehibe Izy tenany. Nahoana izy no niantso Azy hoe Elohim? Satria afaka namantatra ny eritreritra izay tao am-po Izy. Izany dia ny Teny. Hebreo 4, nanao hoe—nanao hoe, “Ny Tenin’Andriamanitra dia maranitra nohon’ny sabatra roa lela, manindrona mampisaraka ny taolana sy ny tsoka, ary mamantatra an’ireo eritreritra sy fisainan’ny fo.”

¹⁵⁶ Izany no antony, ireo mpaminany, niantsoan’i Jesosy azy ireo hoe, “andriamanitra.” Izany no antony nanaporofoin’i Jesosy ny Tenany, ka nahafantaran’io vehivavy io fa Izy no Teny, afaka namantatra an’ireo eritreritra Izy. Ary hoy Jesosy hoe, “Tahaka ny tamin’ny andron’i Sodoma, dia ho toy izany koa amin’ny fihavian’ny Zanak’olona, rehefa voambara ny Zanak’olona.”

¹⁵⁷ Inona no nataon’izany tamin’ny masonareo? Afaka miditra ao anatiny ve Izy, izao hariva izao? Manantena aho fa afaka Izy. Tsarovy fotsiny, ndao isika hanaja fotsiny ka hino amin’ny fontsika rehetra.

¹⁵⁸ Izy no nampantanena, tsarovy, Malakia 4, fa ho tonga ny Hafatra iray izay “hamerina ny—ny Finoan’ireo ray indray, hamerina an’ireo zanaka ho amin’ireo ray.” Oh, ry mpilaza ho Pentekotista, enga anie Andriamanitra hampahiratra ny masonareo jamba amin’ity andro ity, hanala lavitra an’ireo tsifitovian’ny anaram-piangonanareo, sy ireo fanekem-pinoanareo sy ny sisa izay manao anareo ho tia tena sy hiady, ka hijery an’ilay Zanak’Andriamanitra raha mbola eto Izy. Roa arivo taona, mbola velona foana Izy ary eto anivontsika izao hariva izao, manamarina ny Fampanantenany.

¹⁵⁹ Enga anie Andriamanitra, izao hariva izao, raha manangona antsika miaraka Izy tahaka ny Nataony tamin’izy ireo tany Emaosy, manakatona ny varavarana ka manambara zavatra iray amintsika. Tsarovy, ny antony nahafantaran’izy ireo fa Izy io, dia nanao an’ilay izy tahaka ny Nanaovany azy talohan’ny nanohomboana Azy Izy; ary avy eo dia nanjavona teo amin’ny fahitan’izy ireo Izy, mba hiala lavitra azy ireo. Tahaka an’izany no Nanaovany azy. Enga anie Izy ho avy izao hariva izao, eto anivontsika, ka hampahiratra ny masontsika, amin’ny fanambarana ny Tenany amintsika, amin’ny alàlan’ireo zavatra iray ihany izay Nataony fony Izy teto an-tany, satria Izy no

nampanantena. Izy no tsy miova omaly, anio, ary mandrakizay. Enga anie ny Tompo hanampy antsika hahita Azy raha miseho amintsika Izy.

Ndao isika hanondrika ny lohantsika. [Elanelana tsy voaraki-peo—Mpand.]

¹⁶⁰ Inona no tanjoko? Inona no antoko ho an'ireo tanjoko? Tompo Andriamanitra, tsy afaka milaza aho hoe eny na tsia. Ianao no Anankiray izay manery an'Izao. Ianao no nampanantena an'izany, ka mivavaka aho mba Hamelanao ny olona hahita sy hahazo, izao hariva izao. Aoka izy ireo, indray mandeha, Tompo, hanokatra ny fon'izy ireo, hisokatra hidanadana, hanao hoe, “Midira, Tompo, ambarao amiko ankehitriny ny Tenanao.” Ary enga anie ho lasa mahiratra ny mason’izy ireo amin’izay fotoana izay, mba hahalala an’izany.

¹⁶¹ Enga anie tsy hisy mpanota iray ho tavela ato amin’ny tranobe izao hariva izao, tsi-mpino iray. Oh, mety hisy eto ireo izay ho...izay ho—ho tezittra amiko fotsiny miantso azy ireo ho mpanota iray. Saingy, Ray, Andriamanitra, Ianao dia niantso an'ireo Fariseo, izay mpivavaka sy mpitondra fivavahana matevina hoe, “devoly” nanao hoe, “ianareo dia avy amin’ny rainareo, ny devoly, ary ireo asany no ataonareo,” satria tsy nanaiky an'ilay Teny voamarina izy ireo, ny Mesia. Afaka nino Azy izy ireo, tao amin’ny fanahy; saingy rehefa tao amin’ny nofo dia, tsia. Ary, kanefa, ny Soratr’izy ireo no nilaza fa Izy dia ho “Andriamanitra miaraka amintsika.”

¹⁶² Ray, mivavaka aho, izao hariva izao, mba Hanekenao indray. Misy ve eto izay mila ny mason’izy ireo hahiratra? Omeo azy ireo ilay odi-maso izay Nampanantenainao ao amin’ny Apokalypy 3, ao amin’ny Taonan’i Laodikia; hividy odi-maso, mba ahafahan’ny mason’izy ireo hahiratra izao hariva izao, mba ahafahan’izy ireo mahafantatra an'ilay ora izay iainanay, sy ny fanamarinan’ny teny fikasan’Andriamanitra ao amin’ity ora ity. Mangataka an’izany amin’ny Anaran’i Jesosy izahay. Amena.

¹⁶³ Karatra fangataham-bavaka inona? K. Taiza isika no... Nanomboka tamin’ny iray isika, omaly hariva, sa tsy izany? [Hoy ny olona iray hoe, “Eny, tompoko.”—Mpand.] Saingy tsy manam-potoana betsaka isika, mbola misy dimy ambin’ny folo na roapolo minitra. Ndao isika hanomboka... Ary nizara karatra fangataham-bavaka K izy. Ankehitriny dia hazony ny karatrareo, halaintsika ny tsirairay avy amin’izy ireo.

¹⁶⁴ Ity, zavatra iray ankehitriny, rehefa avy niresaka... Tahaka an’izany ilay izy fahiny, na iza na iza miresaka, dia izy ireo no nanao ny fitenenana. Tsaroanareo izany, niditra avy hatrany fotsiny aho ary nanomboka an'ilay laharam-bavaka. Tena mora kokoa izany. Fa, androany, izaho—izaho—tsy maintsy hanao zavatra hafa aho. Hitanareo? Ary izaho—tsy maintsy mitondra an’Ity aho, dia izay ihany. Raha voaray ilay izy... Izaho—afaka

mamafy Voa fotsiny aho. Izaho—tsy afaka manao Azy ho velona aho. Tsy maintsy milatsaka ao amin'ny karazana tany tsara ilay izy.

¹⁶⁵ Fantatrareo, Ny Voany Manokana, nilaza izy ireo fa namafy Izy. Ny sasany nilatsaka teny amoron-dàlana, tsy nahavita soa mihitsy. Ny sasany nilatsaka teny amin'ny Tsilo, saingy, ary teo amin'ny tany misy vato. Fa ny sasany nandeha tao anatin'ny tany tsara. Ilay Zanak'Andriamanitra izany.

Afaka mamafy an'ireo Voa fotsiny aho, mitovy amin'izany. Hitanareo?

¹⁶⁶ Enga anie Izy haka ny tsy fahaizako, hametraka an'izany eo amin'ny sisiny iray; ka haka ny foko, izay inoako Azy, ka hiondrika ary hahita raha tia Azy aho, na tsia; ary avy eo dia hamela ahy amin'ny fahotako rehetra, sy hampiasa ahy amin'ny fomba rehetra izay Izy—Azony handraisana voninahitra avy amiko. Velona na maty, tsy mampaninona izany, mba hanomezam-boninahitra Azy fotsiny anie izany.

¹⁶⁷ Ankehitriny dia mangataka amin'ny tsirairay aho, amin'ny Anaran'ny Tompo Jesosy, mipetraha azafady mandritry ny minitra vitsy fotsiny. Aza mandehandeha. Ho tahaka an'izao foana ity. Azonareo ve—azonareo eritreretina ve ny fiandrasana ny fisehoan'i Jesosy Kristy?

¹⁶⁸ Ankehitriny raha nandeha teto aho, amin'ny maha-olona iray, nanao hoe, “Izaho no Tompo Jesosy,” banana volo lava; tsy fantatsika na banana Izy na tsia. “Manana holam-pantsika aho eto amin'ny tànako,” ah-hah, ny mpihatsaravelatsihy rehetra dia afaka manao an'izany. “Manana diloilo sy rà aho, ary ny rehetra . . .” Izany, dia mbola, izany tsy . . . Tsy nampantanena an'izany ny Soratra.

¹⁶⁹ Ahoana no hahafantaranareo an'i Jesosy? Ianareo tsy . . . Hoy ianareo hoe, “Eny, ho fantattro amin'ny alàlan'ny Sariny Izy.” Tsia, fahaizana momba ny saina iray no nandoko an'izany. Tsy fantatsika hoe toy ny inona Izy. Hitanareo? Tsy fantattro hoe inona Izy. Izany dia, hitanareo, tsy maintsy ho tahaka an'izany ilay izy.

¹⁷⁰ Rebeka dia tsy nahafantatra hoe toy ny ahoana Isaka, fa fitiavana ilay izy, na ahoana na ahoana. Hitanareo? Tsy fantany hoe toy ny ahoana izy; tsy maintsy nandeha fotsiny izy. Ireo tandindona! Nahita azy izy ary tia azy. Nanaiky ny handeha izy, na ahoana na ahoana, tsy mampaninona na toy ny inona izy.

¹⁷¹ Fa ahoana no hahafantaroko Azy? Hoy Jesosy hoe, “Ny voany no hahafantarana azy ireo.” Ankehitriny raha teto Jesosy, dia tsy ho ao anatin'ny endrika ara-batana tahaka ahy Izy, satria mipetraka eo an-tànana ankavanana'ny Fiandrianana io vatana io, fa Ny Ainy no eto.

¹⁷² Ary, tsarovy, izao no teny fikasana farany, ny famantarana farany izay azon'ny fiangonana, alohan'ilay famantarana nampanantenaina—iverenan'ilay Zanaka nampanantenaina. Tsy azo foanana ity Soratra ity, fantatrareo. Taorian'i Sodoma avy hatrany, dia tonga ilay zanaka nampanantenaina, ary nodorana i Sodoma. Ho toy izany indray koa ilay izy!

¹⁷³ Ndao isika hiantso manomboka amin'ny karatra fangataham-bavaka, atao hoe eo amin'ny... Inona no nalaitsika, iray hatramin'ny dimy ambin'ny folo, omaly hariva? Ndao isika haka dimy ambin'ny folo hafa, dimy amby valopolo hatramin'ny zato. Karatra fangataham-bavaka K. Izany ve ilay izy, K? K, dimy amby valopolo, iza no manana azy? Atsangano ny tānanareo. Eny, any ho any ve? Dimy amby valopolo, avia eto. Enina amby valopolo, fito amby valopolo, valo amby valopolo, sivy amby valopolo, sivifolo, ao amin'ny K. Sivifolo, dimy amby sivifolo, zato, milahara eto, raha mbola miresaka amin'ny sisa amin'ny mpanatrika aho, vetivety fotsiny.

¹⁷⁴ Firy eto no tsy manana karatra fangataham-bavaka iray? Ary tena tso-po ianareo, ka tianareo hanampy anareo Andriamanitra, atsangano ny tānanareo. “Izaho—tsy manana karatra fangataham-bavaka iray aho, Rahalahy Branham.” Diniho ankehitriny. Ankehitriny dia aza mifindrafandra. Sh! Avelao fotsiny ireo izay avy, ho tonga eto, iray minitra fotsiny. Aoka ho tena hanaja ankehitriny, minitra vitsy fotsiny.

¹⁷⁵ Eritrereto, eo amin'ny Fanatrehan'ilay Mpitsara ny Lanitra sy ny tany isika. Hanaja toy ny ahoana ianareo raha afaka mahita Azy mitsangana eto? Handohalika ianareo, hiantsoantso, hitomany, ny zavatra rehetra. Fa eto Izy. Izy no nampanantena an'izany hoe, “Eo amin’izay iangonan’ny roa na telo amin’Ny Anarako...” Izany tsy midika hoe, satria vao avy nilazana fotsiny ianareo hoe, “Ity ny Anarana iray.” Izany dia midika hoe, “...amin’Ny Anarany, dia eo afovoan’izy ireo Aho.” Mariho.

¹⁷⁶ Ankehitriny eo ve izy rehetra, izay nantsoiko? Tsia. K, dimy amby valopolo, izany ve no nantsoiko, sa sivifolo? [Hoy ny olona iray hoe, “Dimy amby valopolo.”—Mpand.] Dimy amby valopolo, dimy amby valopolo hatramin'ny zato, mitsangana eto. Raha tsy afaka ho avy ianareo, ny sasany...

¹⁷⁷ Misy olona iray eo ambonin'ny fandrian'ny marary eto, aoka hisy olona iray hanamarina ny karany. Tsy afaka mandeha angamba ilay lehilahy. Jereo raha—jereo raha izany ny nomeraony. Hitako fa manana karatra fangataham-bavaka iray izy eny an-tānany. Raha izy izany, nahoana, afaka manosika azy ao anatin'ilay laharam-bavaka ianareo. K, dimy amby valopolo hatramin'ny zato. Raha misy olona tsy afaka mitsangana, angamba olona iray marenina; mifampijere karatra ianareo. Ary raha mbola manao an'izany ianareo, dia mijere aty amiko, ny sisa aminareo.

¹⁷⁸ Ankehitriny, mino ve ianareo fa, "Izy, tamin'ny voalohany, no Teny, ary ny Teny tao amin'Andriamanitra, ary ny Teny dia Andriamanitra; ary ny Teny dia tonga nofo ka nonina teo anivontsika"? "Ilay tsy miova omaly, anio, ary mandrakizay." Mino an'izany ve ianareo? Noho izany, inona foana no nataon'ny Teny, mpamantatra an'ireo eritrerity ny fo izany. Izany no antony nahafantaran'ireo olona ireo fa Jesosy no Mesia. Marina ve izany? Firy no mahafantatra an'izany?

¹⁷⁹ Ankehitriny, nisy vehivavy kely iray, indray mandeha, ka nino izy fa raha afaka nikasika ny Lambany izy dia ho salama. Tsaroanareo ve ilay tantara? Ankehitriny, tsarovy, nino fotsiny izy. Tao amin'ny endrika ara-batana Izy tamin'izany.

¹⁸⁰ Ary, tsarovy, indray mandeha fotsiny ihany no Nanaovany an'izany. Niteny tamin'ilay vehivavy fotsiny an'izay nataony Izy; nanana vady betsaka izy. Ary nino Azy ilay tanànan'i Sykara manontolo, nohon'ny fanambaran'ilay vehivavy, nefo izy mpivarotena iray.

¹⁸¹ Ary ankehitriny dia tsy hino izy ireo raha ny—mpitoriteny masina iray, voatendrin'Andriamanitra, miaraka amin'ny Filazantsara, no afaka miteny amin'izy ireo. Mbola tsy mino izy ireo, tsy hino an'izany. Hitanareo? Hitanareo? Tena donto saina fotsiny, maizina! Am-pahatsorana mihitsy, izao tontolo rehetra izao, dia toy ny hoe misy fanerena iray eo amboniny. Izao fotsiny, tsy fantattro hoe ahoana no hanazavana azy, fa eto izany. Ry sakaiza, mifohaza! Efa tara noho izay heverintsika izao.

¹⁸² Ankehitriny ianareo izay mipetraka eo ka mijery Azy. Ankehitriny ny Baiboly no nilaza, ao amin'ny Hebreo 4, fa, "Izy no Mpisoronabe izay azo kasihan'ny fahatsapan'ny fahalementsika." Marina ve izany? Ankehitriny raha Izy no Mpisoronabe, ka nikasika Azy ianareo, dia hikasika tahaka ny nikasihan'io vehivavy io ianareo. Ankehitriny, tsy ilay fikasihana ara-batana no Tsapany; hoy Izy hoe, "Hitako fa lasa malemy Aho." Nivoaka Taminy ny hery. Ankehitriny raha mbola Izy no Mpisoronabe, dia mbola afaka misintona an'io hery io avy Aminy ianareo, satria Izy no tsy miova omaly, anio, ary mandrakizay.

¹⁸³ Noho izany dia ahoana no Ataony? Tahaka ny nolazain'Andriamanitra. Tamin'ny andron'i Sodoma, inona ilay famantarana? Andriamanitra, Elohim, tao anatin'ny olona, izay nihinana, nisotro. Azonareo ve izany? Jesosy dia Andriamanitra tao anatin'ny olona. Izany no antony Namantarany ny eritreritr'izy ireo, Andriamanitra ao anatin'ny olona! Namerina an'izany indray, nilaza fa hiverina indray izany amin'ny andro farany. "Rehefa ho voambara Izy, dia ho tahaka ny tamin'ny andron'i Sodoma izany." Soratra roa ambin'ny folo sy roa ambin'ny folo no navadika. Fa tsy voatery hanana ny fandikana ianareo; Andriamanitra no handika an'izany

raha marina ilay izy. Izy no hanaporofo fa marina ilay izy. Ankehitriny dia manàna finoana ary minoa. Teny anankiray avy Aminy no handamina an'izany.

¹⁸⁴ Ankehitriny, Ray any An-danitra, ity No Teninao, ny tsara indrindra izay fantattro. Ankehitriny dia eo an-Tànanao izany rehetra izany, Ray. Mametraka ny tenako eo Amino aho, miaraka amin'ity mpanatrika ity. Aoka mba ho izao hariva izao, rehefa mandeha miala eto izahay, enga anie izahay hanao hoe, "Tsy nangorakoraka ve ny fontsika, raha Jesosy Tompontsika, tao amin'ny endriky ny Fanahy Masina, no niresaka tamintsika raha mbola tany isika?" Ekeo izany, Ray. Mivavaka aho amin'ny Anaran'i Jesosy, ho an'ny Vonitorahiny. Amena.

¹⁸⁵ Ankehitriny dia manàna finoana, minoa. Mino aho fa Rahalahy Pearry no hamindra an'ity eto, ao anatin'ny iray minitra fotsiny.

¹⁸⁶ Ary ankehitriny, tsarovy, tsy fantattro ireto olona ireto. Izy ireo dia... Fantattro ireto mpitoriteny eto ireto, fantattro ny tsirairay avy amin'izy ireo, saingy tsy mahita olon-kafa izay fantattro aho. Fantattro fa misy olona sasany eo izay mety ho fantattro. Raha tsy diso aho, dia heveriko fa Rahalahy Pat Tyler io mipetraka eto mihitsy io; tsy azoko antoka, mipetraka mihitsy...

¹⁸⁷ Ao amin'ilay laharam-bavaka, raha izaho tsy, raha fantatrareo fa tsy mahafantatra na inona na inona mikasika anareo aho, dia atsangano ny tànanareo. Ianareo izay ao amin'ity laharam-bavaka eto ity, izay manana karatra, mba ho avy, atsangano ny tànanareo. Eny, tompoko. Ankehitriny, ny etsy, mahafantatra tahaka an'izany koa ianareo.

¹⁸⁸ Ankehitriny ity no Fahamarinana. Raha nitsangana tamin'ny maty Izy, noho izany dia Izy no nampanantena fa ho fantatra ao anatin'nynofon'olombelona Andriamanitra. Ankehitriny, tsy mampaninona na impiry no Anosorany ahy, fa tsy maintsy voahosotry ny finoana ianareo mba hino an'izany. Hitanareo? Mila antsika roa izany. Ianareo... Ilay vehivavy izay nikasika ny Lambany, tsy maintsy nino izy. Mety nanohy nandalo Izy. Hitanareo? Tsy maintsy nino izy. Hitanareo?

¹⁸⁹ Andriamanitra izany! Raha mihevitra ny olona iray hoe, "Ny fanomezam-pahasoavana iray dia ny—antsy goavana be iray. Manome anareo fanomezam-pahasoavana iray Andriamanitra, afaka mandray azy ianareo ary mandidy azy, ka manao an'izay..." Nahazo an'ilay fiheverando ny amin'ny fanomezam-pahasoavana iray ianareo. Ny fanomezam-pahasoavana dia ny fahafantarana hoe ahoana no hanesoranareo ny tenanareo eo amin'ny lèlana, ka mamele an'Andriamanitra hanao izay Tiany hatao. Hitanareo, izany dia ny fahafantarana hoe ahoana no hanaketrahanareo ny tenanareo, mba ahafahan'Andriamanitra mampiasa anareo

amin'ny fomba izay Tiany. Esory amin'ny lèlana fotsiny ny tenanareeo. Hitanareeo?

¹⁹⁰ Ankehitriny dia tsy mahafantatra ny iray amin'ireo olona ireo aho, tsy mahafantatra an'io olona eto io. Indro misy ramatoa iray mitsangana eto, izy dia saiky mitovy amin'ilay anankiray sarobidy amiko izay vao lasa any amin'ny Voninahitra, vao tsy ela. Tsy ho zavatra iray mampahatahotra ve aho, raha afaka mijery avy any amin'ny Voninahitra ny reniko izao hariva izao, ka mihevitra fa ho tonga eto aho mba hamitaka olona mahantra iray tahaka an'izany? Ho inona ny tanjona ananako? Ho marary saina aho. Eto aho mba hanampy anao, ramatoa.

¹⁹¹ Ary ny zavatra tokana izay azoko atao dia ny manao fotsiny an'izay nanirahana ahy hatao. Tsy afaka manao ny olona hino aho. Tsy afaka manao na iza na iza hino aho. Izao fotsiny ihany, izaho dia . . .

¹⁹² Tsy teolojiana iray aho. Izaho aza tsy . . . Izaho tsy mpi- . . . Tsy miantsy ny tenako ho mpitoky teny iray aho, hitanareeo, satria tsy manana fianarana aho. Ny mpitoky teny amin'izao andro izao dia olona iray izay manana ny Bakalorean'ny Literatiorany sy diplaoman'ny Dokotera. Nahoana, tsy fantatra hoe inona ireo zavatra ireo.

¹⁹³ Nanontany ahy ny olona iray indray andro, nanao hoe, "Tsy mampiasa tsara an'ireo anarana sy mpisolo anaranao ianao."

¹⁹⁴ Hoy aho hoe, "Tsy fantatra hoe inona izy ireo. Izaho—tsy fantatra." Tsy fantatra hoe inona ny anarana iray, na mpisolo anarana iray. Tsy afaka miteny aminareo aho, mba hamonjena ny fiainako, ny fahasamihafana eo amin'ny anarana sy mpisolo anarana. Tsy afaka miteny aminareo aho.

¹⁹⁵ Fa ny zavatra tokana izay fantatra, dia mahafantatra Azy aho, ny Herin'ny Fitsanganany. Izay ihany no karakaraiko, hitanareeo. "Izy," no Anankiray izay tiako ho fantatra. "Ny mahafantatra Azy, no Fiainana." Ary izany no tadiaviko, Fiainana, ho velona. Ho an'izany no maha-eto anareo, Fiainana, ho velona.

¹⁹⁶ Ankehitriny, ramatoa, raha hanambara amiko zavatra iray izay nataonao ny Tompo Jesosy, zavatra izay tsy tokony nataonao, zavatra izay maha-eto anao. Tahaka ny Nataony tamin'ilay vehivavy, niteny taminy hoe inona no tsy nety taminy; angamba hiteny an'izay tsy mety aminao, raha misy, amin'izay fotoana izay dia ho fantatrao na fahamarinana izany na tsia. Ianao no ho vavolombelon'izany. Izany ve hanao anao. . . . Ho fantatrao fa misy Zavatra, zavatra iray izay tsy maintsy avy tany ho any. Izany dia tsy mety ho ara-boajanahary. Izany dia tsy maintsy ho Ivelan'ny voajanahary. Eny àry. Hanao anao hino ve izany fa ity Teny izay nolazaiko ity, dia ho Andriamanitra mandika Ny Teniny Manokana, avy eo izany dia ho Andriamanitra manamarina?

¹⁹⁷ Hino tahaka an'izany ve ny mpanatrika? [Hoy ny fiangonana hoe, "Amena."—Mpand.] Aoka hanaja ankehitriny. Tsarovy ankehitriny, aoka ho tena hanaja.

Hoy ianareo hoe, "Mandany fotoana ianao, Rahalahy Branham?"

¹⁹⁸ Eny, izany tokoa. Tsy fantatro ilay vehivavy. Tsy maintsy mila zavatra hafa izany, ilay Anjelin'ny Tompo, ny Fanahy Masina Izy tenany.

¹⁹⁹ Io Andry Afo izay nitarika an'ireo zanaka nanerana ny Isirael io, Isirael nanerana ny an-efitra. Hitanareo, rehefa teto Izy, dia Jesosy Izy. "Mosesy dia nanao—nanao ny fanaratsiana an'i Kristy ho harena be lavitra nohon'ny an'i Egypta." Nafoiny i Egypta.

²⁰⁰ Rehefa teto an-tany teto Jesosy, dia hoy Izy hoe, "Avy tamin'Andriamanitra Aho, ary hiverina amin'Andriamanitra." Maty Izy, nalevina, nitsangana, niakatra.

²⁰¹ Ary Saoly, teny amin'ny lâlany nankany Damaskosy, dia nazeran'io Hazavana iray io ihany. Ary io Jiosy io dia tsy hiantso hazavana hafahafa iray mihitsy hoe, "Tompo." Fa hoy izy hoe, "Tompo, iza moa Ianao?" Fantany fa io ilay Tompo izay nitarika ny olony nanerana ny an-efitra.

²⁰² Hoy Izy hoe, "Izaho no Jesosy." "Ilay tsy miova omaly, anio, ary mandrakizay."

²⁰³ Ankehitriny raha io Hazavana iray io ihany no eto anivontsika, hitanareo, amin'izay fotoana izay dia Izy no manamarina ny Tenany amin'ny famokarana an'izay Nataony tany. Ankehitriny raha hanao an'izany Izy, dia izany no hanao antsika hino sy ho sambatra, sa tsy izany? Enga anie Izy hanaiky an'izany. Ianao dia . . .

²⁰⁴ Manao anao hilaza zavatra iray fotsiny aho. Hitanareo, rehefa ianareo. . . . Rehefa manala ny tenanareo ianareo, dia miakatra ambony izany; ary na inona fotsiny teny lazainareo, na inona na inona. Hitanareo, olombelona iray ianareo, manana fanahy iray. Ary na inona na inona io Fanahy io, vantanay vao manosotra Izy, dia hitako, afaka mahita fotsiny aho hoe inona ilay izy ary lâlana inona io alehanareo io, amin'ny alàlan'ny. . . Izany no fanomezam-pahasoavan'Andriamanitra iray. Tahaka an'izany no Nanaovany azy, nilaza tamin'ilay vehivavy. Zavatra iray ihany, zavatra iray ihany marina tokoa.

²⁰⁵ Ankehitriny dia eto ianao satria misolo tena olon-kafa iray ianao. Mila vavaka ho an'ny olon-kafa iray ianao, ary any amin'ny hopitaly io olon-kafa io. Hia. Ary raboka ilay izy. Ary ny vadinao izany. Marina izany. Ary zavatra hafa iray hitako, voaaloky ny fahafatesana izy. Misy fanahy mainty iray eo amboniny, satria tsy Kristiana iray izy. Marina izany. Tsy marina ve izany? Hitanao? Tsy Kristiana iray izy. Voaaloky

ny fahafatesana izy. Ary ianao dia liana mba handraisany an'i Kristy.

²⁰⁶ Ary hitako fa ianao dia manana aretina iray, ihany koa. Na miandry anao ho tratry ny TB izy ireo, na zavatra hafa. Izay ilay izy, efa nanao rayon-x iray ianao na tahaka an'izany. Izy ireo dia—izy ireo dia nampanao rayon-x anao ho an'ny TB. Marina izany, sa tsy izany?

²⁰⁷ Ankehitriny handeha ve ianao, hino amin'ny fonao rehetra? Ankehitriny izay ninoanao fotsiny, na inona na inona ninoanao an'Ity ankehitriny no mahafantatra an'izany, izay ninoanao azy fotsiny; mandehana mankany aminy, teneno aminy izay nitranga teto, ary angamba hiala io fanahy mainty io; ho voavonjy izy, amin'izay fotoana izay dia hitsangana izy ary handeha hody. Ankehitriny dia minoa amin'ny fonao rehetra ankehitriny. Andriamanitra hitahy anao.

²⁰⁸ Mino ve ianareo? [Hoy ny fiangonana hoe, "Amena."—Mpand.] Izany dia, afaka mitsara an'Izany amin'izay rehetra tianareo ianareo. Miankina aminareo izany ankehitriny.

²⁰⁹ Manao ahoana ianao, ramatoa? Ataoko fa samy vahiny isika, saingy mino ve ianao fa afaka manambara amiko ny aretinao Andriamanitra? [Hoy ilay anabavy hoe, "Eny, tompoko."—Mpand.] Ary raha hanambara Izy, dia hanao anao hino betsaka izany, sa tsy izany? Avy eto io lehilahy io, hitako. Minitra vitsy lasa izay no ninoanao an'izany. Tsia, mitsangana eto ianao ho an'ny olon-kafa iray, ihany koa, ny vadinao izany. ["Eny, tompoko."] Mino ve ianao fa afaka manambara amiko an'izay tsy mety amin'ny vadinao ny Tompo Jesosy? Mino an'izany ve ianao? Tratry ny hernia izy. Marina izany. Ary misy ankizy iray eto izay tra-pahoriana, izay ivavahanao, ihany koa. Mino ve ianao fa izany dia hitranga, ihany koa? Eny àry. Mino amin'ny fonao rehetra ve ianao ankehitriny? Arak'izay inoanao fotsiny, dia ho toy izay anie no ha-... Hitanao, tsy afaka manasitrana aho. Afaka milaza fotsiny ihany aho, hitanao, izay hitako. Ary raha mino amin'ny fonao rehetra ianao, dia ho tahaka an'izay ninoanao izany. Mino an'izany ianao, ary ny Tompo hitahy anao. Andriamanitra hitahy anao.

²¹⁰ Aza misalasala. Manàna finoana. Tena manajà fotsiny. Ankehitriny raha—raha manomboka ianareo... Aza manomboka mandehandeha. Hitanaeo, tena mipetraha tsara fotsiny ianareo. Mipetraha tahaka an'izao ary mihainoa, mandritry ny minittra vitsy.

²¹¹ Manao ahoana ianao, tompoko? Tsy mahafantatra anao aho, samy vahiny isika, saingy tsy maintsy hihaona isika eo amin'ny Hazo Fitsaran'i Kristy ka hamaly ny amin'ny—ny fisehoantsika eto izao hariva izao. Mino an'izany ianao, sa tsy izany? Mino tokoa ianao. Izaho—mandinika Hazavana iray fotsiny aho, tompoko, hitanao, eo am-panosorana izany, ny Fanahy Masina.

²¹² Ankehitriny, ianao dia mijaly ao amin'ny vavoninao. Manelingelina anao ny vavoninao. Marina izany. Ary manana zavatra iray ianao izay tianao ialana, fahazarana iray. Ary izany mihitsy no mahavoa ny vavoninao, ho lasa homamiadana tsy ho ela izany raha tsy manajanona an'ilay izy ianao, mifoka. Mino ve ianao fa afaka hanaisotra an'izany aminao Andriamanitra ka hanao—ka hanao anao ho salama? Hino ve ianao? Mino ve ianao fa raha mameatra-tànana eo aminao aho ankehitriny... raha mbola io Zavatra izay fantatralo fa toy ny mahagaga aminao io? Fa io hosot'i Kristy io, raha hangataka Aminy aho hanaisotra an'io zavatra io aminao ka hanao anao ho salama, dia afaka hanala azy ianao ary handeha. Mino an'izany ve ianao? [Hoy ilay lehilahy hoe, "Mino an'izany aho."—Mpand.] Avia eto. Avia eto, tompoko.

²¹³ Satana, eo ambanin'ny fototry ny finoanay, ny Fanatrehan'i Jesosy Kristy Izay nandresy anao sy ny karazanao rehetra, dia mandidy an'io devoly io aho, izay mandefa an'ity lehilahy ity ho any am-pasana mialohan'ny fotoana, miaraka amin'ireo sigara ireo, mivoaha ao aminy, amin'ny Anaran'i Jesosy Kristy. Amena.

²¹⁴ Mandehana ankehitriny ary aoka ho afaka amin'izany. Minoa, ary miainà tahaka an'izay tokony iainanao.

²¹⁵ Mino ve ianareo? [Hoy ny fiangonana hoe, "Amena."—Mpand.] Manohiza mino fotsiny.

²¹⁶ Manao ahoana ianao? Ramatoa tena tsara fanahy, mino an'i Jesosy Kristy ho Zanak'Andriamanitra ve ianao? Mino ahy ho Mpanompony ve ianao? Ny antony ilazako an'izany, rehefa Izy... Efa mba namaky ny bokiko ve ianao? Izao no voalaza ao hoe, "Raha afaka manao ny olona hino anao ianao." Hitanao, izany ilay zavatra lehibe, tsy maintsy mino an'izany ianao. Ianao fotsiny... Tsy misy fomba hafa hanatonana an'Andriamanitra afa-tsysty, amin'ny alàlan'ny fanomezam-pahasoavana iray, afatsy ny mino an'izany.

²¹⁷ Tahaka ny nolazain'i Marta hoe, "Izaho—mino aho fa Ianao no Zanak'Andriamanitra. Raha teto Ianao, dia tsy ho maty ny anadahiko." Hitanao? Nanatona an'izany tsara izy. Nefa, nanana zò hifamaly Aminy izy mikasika ny tsy fahatongavana, saingy tsy nanao an'izany izy. Tonga niaraka tamin'ny fanajana izy, ka nahazo izay nangatahany.

²¹⁸ Ankehitriny mino ve ianao fa—fa manatrika Andriamanitra ary mahafantatra ny zavatra rehetra? Ary mino ve ianao fa afaka manambara amiko an'ireo zavatra tsy mety aminao Izy? Ilay aretina dia ao amin'ny vavony. Tratry ny fahasaratana ianao, zavatra maro tsy mety. Ary tratry ny fahasaratana ianao, izany dia fivontosana iray ao amin'ny vavony. Marina ny mikasika an'izany. Marina izany. Eny àry. Ramatoakely Whitley, mandehana miverina, minoa amin'ny fonao rehetra, dia ho

salama ianao. Eny àry. Hafahafa ve ny niantsoako ny anaranao? Izy dia mahafantatra anao, ihany koa, hitanao.

²¹⁹ Manao ahoana ianao? Ankehitriny dia tratry ny aretin'ny ramatoa ianao, ary maneho izany fa ao amin'ireo atodimpananahana ilay izy, ary kysta iray ao amin'ny atodimpananahana izany. Mino ve ianao fa afaka manala an'io kysta io Jesosy Kristy? Tokony hiteny aminao an'izay nitranga tamin'ny vadiko vao haingana fotsiny aho. Hitanao, rehefa. . . Efa nandre an'ilay fijoroana vavolombelona ve ianao? Eny, tsy mety mitovy amin'ny anao ve ny azy? Eny àry, ho tahaka an'izany ilay izy raha hino an'izany amin'ny fonao rehetra fotsiny ianao.

²²⁰ Jereo aty, ramatoa tanora. Ny anao dia aretin'ny ramatoa, ihany koa, aretim-behivavy. Mino ve ianao fa manatrika Jesosy Kristy ka manao anao ho salama sy hanasitrana anao? Ary mino ve ianao amin'izay fotoana izay fa ho lasa izany rehetra izany, ary hifarana tanteraka, ka ho salama ianao ary ho. . . . hiaina amin'ny fiainana ara-dalàna? Eny àry. Mandehana, minoa an'izany ankehitriny, dia ho tahaka an'izany ilay izy.

²²¹ Mino ve ianao fa Andriamanitra dia afaka manasitrana ny diabetan-tsiramamy, ihany koa, hanao anao ho salama? Eny àry, manohiza mandeha fotsiny manerana ny lampihazo, manao hoe, "Mino Azy aho." Dia ho afaka amin'izany ianao raha mino an'izany fotsiny. Famindrana rà iray an'i Kalvary no hanao an'izany.

²²² Ankehitriny dia misy zavatra mitranga ao amin'ny mpanatrika, tsy azoko tsara fotsiny ilay izy.

²²³ Ny ramatoa iray mipetraka eto mihitsy, mijery ahy, dia mijaly amin'ny aretim-bavony. Mino ve ianao fa manao anao ho salama Jesosy Kristy?

²²⁴ Eo akaikiny mihitsy dia misy ramatoa iray izay tratry ny aretim-po. Iry aoriana iry mihitsy miaraka amin'ny. . . Aoriana mihitsy, manao satroka maity, miaraka amin'ny aretim-po.

²²⁵ Ianao dia efa tratran'izany, ihany koa. Efa tratran'izany ianao. Hitanao, nilaza aho hoe efa tratran'izany ianao. Afaka ianareo roa ankehitriny. Jesosy Kristy no nanao anareo roa ho salama. Eny àry, zory ary ny lèlana, ary Andriamanitra hitahy anareo. Manàna—manàna finoana, minoa amin'ny fonareo rehetra.

²²⁶ Amin'ny taonanao, dia tratry ny fahasarotana ianao, zavatra maro tsy mety. Fa ny iray amin'ireo zavatra lehibe tianao hivavahana, dia ny fonao, ihany koa. Mino ve ianao fa hanao anao ho salama amin'io aretim-po io Izy, ka hanasitrana anao? Eny àry. Mandehana, mino an'izany, manao hoe, "Misaotra Anao, Tompo," dia ho azonao ny fahasitrananao.

²²⁷ Fikorontanan-tsaina iray no nanelingelina azy nandritry ny ela be, nanome azy prostaty iray, mifoha amin'ny alina, fa

ny anankiray amin'ireo zavatra lehibe izay anananao, dia io diabeta io. Mino ve ianao fa afaka manasitrana anao amin'io Andriamanitra ka hanao anao ho salama? Manohiza mandeha fotsiny, manao hoe, "Misaotra Anao, Tompo Jesosy. Mino amin'ny foko rehetra aho."

²²⁸ Afaka manasitrana ny karazan'aretin-drà rehetra Andriamanitra, anemia, na zavatra hafa. Mino an'izany ve ianao? Eny ary. Mandehana fotsiny, dia hanao anao ho salama Andriamanitra. Minoa an'izany.

²²⁹ Manao ahoana ianao? Mahita anao miezaka miarina avy eo am-pandriana aho, tena moramora, aretin-kozatra fotsiny no saiky mahazo anao. Fa mino ve ianao fa hiala aminao izy, izao hariva izao, ary ankehitriny dia ho salama ianao? Manohiza mandeha fotsiny manerana ny lampihazo, manao hoe, "Misaotra Anao, Tompo Jesosy," ary minoa amin'ny fonao rehetra.

²³⁰ Mino amin'ny fonao rehetra ve ianao? Aoka izy handroso. Efa sitrana izy eo, na ahoana na ahoana, noho izany fotsiny—fotsiny... Azony izany, ny tenany, na izany aza!

²³¹ Avia. Mino ve ianao fa afaka manasitrana ny aretim-bavony ny Tompo Jesosy ka hanao anao ho salama, ary handefa anao hody mba hihinana? Mandrosoa ary minoa an'izany, dia hanao anao ho salama Jesosy Kristy.

²³² Avia, ramatoa. Mino ve ianao fa ny aretin-damosina,...?... aretina, sy ny sisa, dia hiala aminao, raha mandeha miampita an'ity ianao? Manohiza mandeha, manao hoe, "Misaotra Anao aho, Tompo Jesosy."

²³³ Inona no eritreretinareo rehetra? Nanao—nanao zavatra iray tamin'ny masonareo ve izao, ho an'ilay andro? Mino amin'ny fonareo rehetra ve ianareo? [Hoy ny fiangonana hoe, "Amena."—Mpand.] Jereo fotsiny izay miseho eo, amin'ny olona!

²³⁴ Ankehitriny ianareo ao amin'ny mpanatrika, minoa ianareo, jereo Jesosy Kristy ilay Zanak'Andriamanitra, raha mbola ny Zanak'Andriamanitra foana Izy.

²³⁵ Hia, ireo olona izay mandeha ireo, mipetraka, sambatra izy rehetra; mifampijery, mifaly, mifampiresaka mikasika an'ireo zavatra lehibe izay nataon'ny Tompo.

²³⁶ Ramatoa kely mipetraka eto, mijaly amin'ny aretim-damosina. Mipetraka eto mihitsy, miaraka amin'ny volo miha-fotsy; tsia, ilay ramatoa aorianao. Nikasika Zavatra ianao, sa tsy izany? Fantatrapa fa tsy izaho izany. Izy izany, ilay Mpisoronabe. Mino amin'ny fonao rehetra ve ianao, fa tsy hanelingelina anao intsony no lamosinao?

²³⁷ Te-hanary an'ireo sigara ireo ve ianao, ka hanao hoe, "Tsy haka azy ireo intsony indray aho, tompoko," ilay ramatoa mipetraka eo akaikiny? Efa nanandrana an'izany ela be ianao, saingy tsy afaka nanana finoana handresy an'izany, na ahoana

na ahoana. Mino ve ianao ankehitriny fa manana finoana handresy an'izany? Atsangano ny tànanao raha milaza ianao hoe, "Mino an'izany aho ankehitriny." Eny àry, aza mifoka intsony. Mandehana mody dia aoka ho salama. Ataovy izay tokony hataonao.

"Raha mety mino ianao!"

²³⁸ Ilay ramatoa kely mipetraka eto manao palitao mena, mijery ahy, mijaly amin'ny aretin-kozatra. Mino ve ianao fa afaka hanao anao ho salama Andriamanitra, ramatoa? Mino ianao? Eny àry. Afaka mahazo ny anao ianao. Eny àry.

²³⁹ Nampientanentana anao ve izany, ranabavy mipetraka etsy? Tratry ny fahasarotana ilay ramatoa. Ho diso an'izany izy. Andriamanitra, ampio aho. Rtoa. Cox, mino ve ianao? Eny àry. Tsy . . . Nihevitra izy fa ho afaka amin'izany, saingy tsy afany ilay izy. Azonao ilay izy, na izany aza.

Ndoa isika hanao hoe, "Deraina ny Tompo," ry sakaiza. Tsy fantatrareo ve . . .

²⁴⁰ Tompoko, tratry ny homamiadana ianao, tazo vony. Tsy afaka ny ho velona ianao, mandry eo. Marina izany. Izaho tsy, tsy afaka manasitrana aho. Fa tsy afaka manafina an'izay tsy mety aminao ianao. Hitanao, ao ilay izy. Ianao, tsy afaka ny velona ianao mipetraka eo, fantatrao izany, satria ianao dia—vita ianao. Milaza izy ireo fa ao amin'ny vavoninao ilay izy, ary ao izany. Ao amin'ny aty ilay izy, izay manao an'ilay tazo ho tonga. Fa mino amin'ny fonao rehetra ve ianao, ka vonona ankehitriny, tahaka an'ireo lehilahy izay nandry teo amin'ilay vavahady tany Samaria, nanao hoe, "Nahoana isika no mipetraka eto mandra-pahafatintsika?" Ho faty ianao, mandry eo. Anjara iray fotsiny ihany no anananao, ary izany dia ny manaiky Azy raha mbola ao amin'Ny Fanatrehany ianao, ka mino an'izany amin'ny fonao rehetra. Hanao an'izany ve ianao? Noho izany, amin'ny Anaran'i Jesosy Kristy, minoa an'izany amin'ny fonao rehetra, ary mitsangàna, ento ny fandrianao ary mandehana mody, misaotra sy midera an'Andriamanitra.

²⁴¹ Mino an'izany ve ianao? Oh, Andriamanitra no hanome tanjaka azy, aza manahy ny amin'izany. Raha izy . . . Io izy, haka ny fandriany, mamalona an'izany ary mandeha mody.

²⁴² Ny sisa aminareo ve mino? Mitsangàna ankehitriny. Ahoana raha mitsangana ianareo? Tsy ahoako izay tsy mety aminareo, mitsangàna. Atsangano ny tànanareo ka omeo Azy ny dera.

²⁴³ Tompo Jesosy, eo an-Tànanao izy ireo, amin'ny Anaran'i Jesosy Kristy!



*REHEFA NAHIRATRA NY MASON'IZY IREO,
DIA NAHAFANTATRA AZY IZY IREO MAG64-0312*
(When Their Eyes Were Opened, They Knew Him)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alakamisy hariva, 12 Marsa 1964, tao amin'ny Municipal Auditorium ao Beaumont, Texas, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org